

華嚴疏鈔

巨

C40
4514
(1)



C40-4514

了翁上座請入藏及百
家書置武州後雲山
我微矣院
為學者不敢請
當山二世鐵牛機謹誌



B 64853



大方廣佛華嚴經疏鈔卷第二十六之十

干闥國三藏沙門實義難陀

譯

清涼山大華嚴寺沙門澄觀撰述

十地品第二十六之三上

疏第四焰慧地。所以來者。瑜伽七十八引解深密
明四種清淨。能攝諸地。前三卽意樂戒定增上。三
清淨訖。此下第四訖於佛地。明慧增上。故次來也。
又慧有多種。四地正明覺分相應。增上慧住。故次
來也。又前地雖得世定總持。而未能得菩提分法。
捨於定愛。及與法愛。今修證彼行。故次來也。若依

本論前三寄世間。今此出世次第故來。若近望前地。因前定聞發此證智。故次來也。故論云。依彼淨三昧聞持。如實智淨顯示故。鈔引解深密者。意欲雙明。具經論故。經當第四波羅蜜品。觀自在問言。佛說十地佛地。幾清淨攝。幾分所攝。佛言。善男子。當知諸地四種清淨。十一分攝。云何名爲四種清淨。能攝諸地。謂增上意樂清淨。攝初地清淨。增上戒清淨。攝第二地。增上心清淨。攝第三地。增上慧清淨。攝於後後地。轉勝妙故。當知能攝從第四地乃至佛地。釋曰。上言十一分者。卽十地及佛地。

捨於定愛者。前有八定。故有定愛。有聞持故。有法愛言。今修證彼者。證彼菩提分法。

初入證智。能燒前地解法。慢薪故。本分云。不忘煩惱。薪智火能燒。故二約地中釋。成唯識云。安住最勝菩提分法。燒惱薪。煩惱增故。由住第四地。竟方修菩提分法。明是地中。若唯取此。而爲慧者。未修道品。應非煩惱地。以此地正明菩提分法。中談初後諸論。多依此釋。攝論云。由諸菩提分法。焚燒一切障故。障卽二障。莊嚴論云。以菩提分慧。爲煩惱自性。

撰述
聖眉野金卷之一
二
以惑智二障爲薪自性。此地菩薩能起焰慧。燒二障薪。各焰慧地。瑜伽七十八引深密經大同此說。彼云所得菩提分法。能燒煩惱。智火如焰。金光明經顯揚論不殊此意。二約地滿。從證智摩尼放阿舍光。故明爲焰。下論具之。鈔二約地中下有四。一引論正釋。然唯識文卽攝論意。次下正引卽攝論第七意。世親釋云。由此地中安住最勝菩提分法。由住此故能燒一切根本煩惱及隨煩惱。皆爲灰燼。然以菩提分而爲慧者。非皆是慧慧之焰。故從喻爲名。由住第四下二以文成上。約地中義以

此下四釋妨難。難云。若許此第一釋者。何以諸論多依第二。故爲此通。攝論云下二出多釋文畧舉五釋。一攝論卽上第七論。二莊嚴論當第十三。三引瑜伽論亦第四文多同前。四引金光明卽第三經云。能燒煩惱。以智慧光增長光明故。是修行道品依處。是故四地名爲焰慧。五引顯揚亦當第三論云。焰慧地者。謂諸菩薩住此地中。先普脩治第三地。故超過一切聲聞緣覺地。證得極清淨緣諸覺分。別取法境微妙慧蘊。能現前燒一切煩惱。是故此地名爲焰慧。然上五釋義皆相成。故疏總云

撰述
垂眉頂金卷之一
三
不殊此意。二約地滿者。前約證智爲焔。此約教智爲焔。

疏然所燒煩惱。卽所離微細煩惱。現行障。謂所知障中俱生一分。亦攝定愛法愛。菩提分法。特違於彼。故能燒之。由斯四地說斷二愚及彼。籠重。一。等至愛愚。味八定故。二。法愛愚。卽解法慢。今得無漏定。及無漏教。故違於彼。鈔然所燒下。三。斷障四。初舉唯識。然唯識一分之下。更有論云。第六識俱身見等攝。最下品故。不作意緣。遠隨現行。故名微細。釋曰。第六識言。揀第七識。第七識俱。以微細故。

此地未斷。今言微細望前地說。有三義故。立微細名。一。第六識中。分別身見名爲上品。唯不善故。獨頭貪等名爲中品。通善不善。此唯無記。故名下品。二。不作意緣故。卽任運生義。三。遠隨行故。從無始來。隨逐於身故。有上三義。故名微細。論云。彼障四地。苦提分法。入四地時。便能永斷。釋曰。以有身見不能觀身爲不淨等。問。上言所知障中。俱生一分。那名煩惱。答。此所知障。昔時多分。與煩惱障同一體起。立煩惱名。由菩提分正斷所知。彼之身見亦不行。故前之三。地何不爾耶。以相同世間。今此出

世方能離之。亦攝定愛下。二出本論名。名離解法
慢障。畧云解法實亦有定。本分中說亦唯識文。論
云身見等言。亦攝無始所知障。攝定愛法。愛彼定
法愛。三地尚增。入四地時方能永害。由斯四地說
斷二愚。及彼籠重。一等至愛愚。卽是此中定愛俱
者。二法愛愚。卽是此中法愛俱者。所知障攝二愚
斷故。煩惱二愛亦永不行。今得無漏定者。卽彼疏
釋。愚卽所知。愛卽煩惱。故說俱斷。
疏由此證得無攝受真如。謂此真如無所繫屬。非
我執等所依取故。鈔由此證得下四證如。亦前

唯識引攝論文。世親釋云。於此如中無計我所。如
北洲人無繫屬故。應說此如非我執我。慢我愛無
明邊見我所見等。所依取故。

疏得此真如。寧有定法之愛。便能成菩提分行。及
不住道行。精進不退。鈔得此真如下。是今疏結
成。

疏由達無攝受真如。便得攝生之果。鈔由達無
下。六得果者。不爲我攝。方能攝生。

佛子聞此廣大行。可樂深妙殊勝法。心皆勇悅大歡
喜。普散衆華供養佛。

撰述
華嚴疏鈔卷之一
五
演說如是妙法時。大地海水皆震動。一切天女咸歡喜。悉吐妙音同讚歎。自在天王大欣慶。雨摩尼寶供養佛。

疏次正釋文。文亦三分。一讚請。二正說。三重頌。今初六偈分二。初二偈半集經者序述地海動者。表無明厚地大愛海水可傾竭故。

讚言佛爲我出興。演說第一功德行。如是智者諸地義。於百千劫甚難得。我今忽然而得聞。菩薩勝行妙法音。

願更演說聰慧者。後地決定無遺道。利益一切諸天人。此諸佛子皆樂聞。勇猛大心解脫月。請金剛藏。言佛子。從此轉入第四地。所有行相願宣說。

疏後三偈半正明讚請於中初二偈半天王請。後一衆首請。

爾時金剛藏菩薩。白告解脫月菩薩言。佛子。菩薩摩訶薩。第三地善清淨已。欲入第四發慧地。當修行十法明門。

疏第二正說分中二。初明地相。後明地果。前中論爲四分。一清淨對治。脩行增長因分。謂清淨等。是次二分。今趣地方便爲彼之因。二佛子菩薩住此

發慧下。清淨分。是初入地。出障行故。三佛子菩薩住此第四下。對治修行增長分。卽正住地行道品等行能有所除。故云對治。進習上上。各脩行增長。四佛子至所有身見下。彼果分。此卽地滿是中二分之果。又此四分。卽加行無間解脫勝進四道。又四中初一入心。後三住心。出心在調柔果。住心中三分。攝前三位。初清淨分。卽攝生貴住。次攝至一切處迴向。後攝無盡行。至文當知。鈔又此四分者。第二四道科。如雜集第九說。俱舍賢聖品云。應知一切道。畧說唯有四。謂加行無間解脫勝進道。

釋曰。加行道者。謂引無間道前之加行也。無間道者。謂斷惑道也。解脫道者。無間道後名解脫道。謂已解脫。所應斷障。最初所生。勝進道者。除前三外。所餘諸道。漸勝進故。卽解脫道後所起諸道也。是涅槃路。故名爲道。釋曰。所起諸道者。準雜集卽爲斷餘品煩惱。所有加行無間更有異釋。大意皆同。又四中下。三依三心科。具如初地。

疏今初因分文三。初結前標後。次何等下徵列別名。二菩薩以此下。結行入位。今初十法明門者。門卽通入之義。故論經名入。明爲能入之門。法爲

所入之處。故論云。得證地智光明。依彼智明入如
來所說法中。言證地智者。卽四地證智也。光明者
卽三地慧光。謂二地中得此四地證智前相。故併
舉二處之智以釋於明。亦猶地前明得定也。故前
地論云。彼慧。此中名光明。卽其義也。言所說法者。
前求多聞。從佛聞說衆生法界等十種之法。便以
智光游入。數數游入。游入卽是修行。修行卽下觀
察。觀察增上極圓滿故。方得證入四地。鈔今初
因分者。第四文。卽第一清淨對治修行增長因分。
以是次二分因故。唯牒一因字耳。論經名入者。引

證論經云。當以十法明入四地故。五便以下。五遍
釋下句。依彼智明入如來所說法中。論經云。思惟
是今經觀察。

何等爲十。所謂觀察衆生界。觀察法界。觀察世界。觀
察虛空界。觀察識界。觀察欲界。觀察色界。觀察無色
界。觀察廣心信解界。觀察大心信解界。

疏二徵列中有十種差別。觀察此十畧以三重釋
之。一。初句爲總。本爲衆生故。餘九爲別。皆衆生事
故。二。前八爲染。後二爲淨。三。前五推能依。至所依
後五依所依。立能依。鈔三前五下。三能所依釋。

疏前中。一觀衆生假名差別。假有三種。一因成假。二相續假。三相待假。假爲空詮。故先觀之。因成有二。一五蘊和合假。名某甲。則入衆生空。二陰亦因緣而有。則入法空。二空所顯卽是真如。不壞假名。空有不二。卽是中道。言相續者。由前陰滅後陰續生。念念相續。假而非實。亦入二空眞實。言相待者。待非衆生以說衆生。入實亦然。此一推假入實。餘九例知。故論但顯差別之相。二法界者。論當第二。是依正之因。卽染法界。此從別義。若淨法界。通爲十依。則十與法界究竟無別。三世界者。彼假名衆

生所住依報。四依正所依虛空。瑜伽名爲平等勝義。卽是理空。皆無盡故。鈔因成有二者。謂人法二空。二空所顯下。會其二觀。言卽是真如。自有二意。一者順法相宗。二空非真如故。二成三諦。假名爲有諦。二空爲無諦。真如爲中道第一義諦。已有三諦三觀矣。又空有不二。總爲眞空。不壞假名。卽是假觀。合上空假以爲中道。下觀二假。例此成觀。故相續後結云。亦入二空眞實。眞實卽是真如異名。相待假後結例可知。

疏五染淨所依。是本識界。後五依此所依立後能

依。故此識界前後兩向。向前爲依正依。向後爲染淨依。鈔後五依此下文二。先總明。此識亦通二宗。若生滅識生染淨依他。亦依心有。卽法相宗。若真妄和合識亦生染淨。卽法性宗。並如前說。疏初三句由煩惱使染。成染分依他。有三界差別。著欲著受及著想故。三界惟心故。後二廣大信解成淨分依他。論經前是勝心信解依。煩惱不染。與聲聞同。後大心信解依。不捨衆生。不同聲聞。鈔著欲等者。由著欲故有於欲界。由著受故有於色界。謂四禪天不出四受。又著正受故。由著想故。有

無色界。空想識想無所有想非想非非想。雖欲絕想亦不出想。三界唯心。總結上文。如下六地。

疏今經卽前云廣則明護陞兼濟之心。後是大心。卽是護小。求大菩提。則二心俱異。二乘。前觀衆生同體大悲。後觀衆生具佛知見。誓令同得。又皆言界者。通事理也。事則曲盡差別。理則一一入實。卽淨法界故。皆爲明門。

菩薩以此十法明門。得入第四毘慧地。

疏三結行入位。觀察圓滿。與十理冥。則入四地。故瑜伽四十八云。先於增上心住。以求多聞。增上力

撰述
華嚴疏鈔卷之一
十
故。已得十法明入。由此十法明入。成上品故。極圓
滿故。入初增上慧住。

佛子。菩薩住此發慧地。則能以十種智成熟法故。得
彼內法。生如來家。

疏大文第二清淨分。卽攝生貴住。故前文云。於諸
佛聖教中生。云何清淨。於如來家轉有勢力故。文
中三。初總明。次何等。下徵釋。三是爲十者總結。初
中文有三句。末句生家是總相。初句十智爲能生
因。次句內法爲所生家。由以十智觀察下諸行等
十法。得成熟故。成熟則除滅三地。解法智障。攝四

地。出世勝智。契於法體。故云得彼內法。內法者。顯
非外相。此法卽如來所說教化之法。名如來家。此
地寄出世之首。故名爲生。鈔初總明三。初按經
釋初句十智爲能生者。卽下所列之十句也。智因
所觀而成十智。內法者疏釋。以證性故。亦是如來
教化之法。故名爲內。何時得耶。論云。此法明入。同
時得故。應知。若爾何異。前分而云。前分爲此。因耶。
答。因分觀十。未得上品。猶在三地。得上品竟。卽入
四地。與此同時。若遠公云。十智十八名異體一。故
卽同時。而自問云。兩法相似。可得言同。明智體一。

何得言同彼自釋云。此雖體一。隨門有別。是故說同。云何門別。前就衆生世界等十以彰法明。今此乃就三寶等以說法智。故云別也。復應難云。所觀既異。何名體一。故應如前鈔家之釋。復應問云。前觀十明得入四地。此前未觀十智。云何言生。故應答言。有二義故。一前以能化觀於所化。今以所化成能化法。爲分能所。所觀少殊。能所相成。故得一時。二者前十明門了相會性。今此十智雖舉十相。意在十性。故云內法。性相少異。分之成二。性相不離。故得一時。問。何以將此教化之法爲如來家。論

云。如來自身所有諸法。以是法故。顯示如來。釋曰。若無此法。不名如來。故此十法佛所安住。名之爲家。

疏然如來家畧有三種。一菩提心家。初住卽生。二大教家。四住卽生。三法界家。初地證故生。今此攝四住故。以智契教法。合於法界。具下十義。故名爲生。鈔然如來下。二辯家不同。準下林神。八地亦生。生無生忍家故。如來亦名究竟生家。故云畧耳。疏若瑜伽但云長如來家。論經亦但云於如來家轉有勢力。意明初地已生家。二三地起修方便蚤

有勢力。今依三地之聞成出世智。故云轉有。此中智契。卽無行無生行慧光。鈔若瑜伽下。三會論釋。二論意同。此中智契下。顯所證體。成上內法。卽前地中五方便內第三方便也。

何等爲十。所謂深心不退故。於三寶中生淨信畢竟不壞故。觀諸行生滅故。觀諸法自性無生故。觀世間成壞故。觀因業有生故。觀生滅涅槃故。觀衆生國土業故。觀前際後際故。觀無所有盡故。是爲十。

疏二徵列中。列有十句。論攝爲四。初句自住處。畢竟智。謂大乘是菩薩自所住處。深心相應爲住。

畢竟卽是不退。鈔謂大乘等者。釋上名也。然上論主一時列四名。已屬經竟。重復料揀解釋。今初云自住處。畢竟智。卽初列名。謂大乘下是後重釋。論具云菩薩自住處者。謂大乘法中故。

疏二同敬二寶。畢竟智。謂證三寶同體。成不壞信。故上二約行德差別。初自分。後勝進故。鈔上二約行德者。二寶是已之上。故云勝進。

疏下有二智。約智解差別。初證後教。謂三有二句。明真如智。謂見第一義。證二無我故。一但有蘊等諸行而生滅流轉。故無人我。二卽此蘊等諸法。

本來不生故無法我。

疏四餘六句明分別說智。謂是教智。故名爲說。知世諦故名爲分別。分別染淨故。謂初二句是染。後三句是淨。第三句具染淨。各有因果。卽是四諦故。鈔四餘六句下。卽論立名。謂是教智下疏釋論。分別染淨故。是論總釋。謂初二句下是疏釋論。疏謂初二句名隨煩惱染。卽是苦諦。依正二報隨煩惱。集因所生故。謂初句依報。次句正報。故云有生。同因於業。業與煩惱二俱集因。故論與經影畧而說。鈔故論與經者。經云因業有生。論云初二

句隨煩惱染故。

疏第三句中初觀生。成論經各世間。卽煩惱染。上句以因顯果。云因業有生。此句以果顯因。故云生。成生。成以煩惱爲體。故卽是集諦。此順論意。次觀涅槃。是所有淨。卽是滅諦。若直就經文。亦可因業有生。是集諦。生。成涅槃。復雙觀苦滅耳。鈔此順論意者。以論云煩惱。今將經文。生。成就論。故云論意。

疏後三句隨所淨。卽是道諦。隨順前滅故。三中初一利他行。論云諸佛世界中教化衆生。自業成熟。

故準此論意譯此初句。應言觀諸國土化衆生業。則不濫前因業有生。後二句自利行。謂觀煩惱染及涅槃淨。爲順滅之道。初句約事觀。煩惱無始。故爲前際。涅槃無終。故爲後際。後句順理觀。煩惱本空。無有損滅。故無可盡。涅槃性淨。非新增益。自性盡。故皆名無所有盡。煩惱影取生滅。涅槃影取菩提。菩提之智亦符理。故然是世諦中觀。故異前如智。鈔則不濫前因業有生者。今云觀衆生國土業。故濫前也。菩提之智下。三通影取菩提難。恐有難云。涅槃性盡。云無所有盡。菩提非性。何言無所

有盡。故以符理。全同涅槃。然是世諦下。四通約順理解。以約理釋。濫前如智。故通云異。異相云何。猶相見道中。亦觀非安立諦。而是後得。此亦如是。雖觀於如。而是教智。

疏又後二句。卽本有今無。傷意亦是觀緣起法。無明行爲前際。生老滅爲後際。無明滅行滅。自性滅。故名無所有盡。如六地中。鈔又後二句下。五更顯別理。自有兩意。一卽四出偈。謂觀前際後際。故卽本有今無。本無今有。觀無所有盡。故三世有法。無有是處。第五經疏。已廣分別。亦是下。觀緣生觀。

然上十智正觀如來教化之智。智之別相必由所觀。不觀所觀。安識佛智。佛智證彼內法。四地菩薩亦如是證思之。

○疏自下大文第三對治修行增長分中二初護煩惱行。後菩薩修行如是下。明護小乘行。前是大智自利異凡。後是大悲利他異小。此二相導成不住道。無所不至。故攝至一切處迴向也。今初即修菩提分法。鈔前是大智者。二行總有四對。一名自利利他對。二大智大悲對。三護凡護小對。四不住生處涅槃對。即非凡夫行。非賢聖行。是菩薩行。後

結成無住以攝前位。

疏論主別有道品論。故此不釋。今畧爲四門。一釋名。菩提是覺分。是因義。此三十七爲諸乘覺。因故亦云道品。品即是類。因爲果類。故別名至文自顯。鈔論主別有等者。出不釋所以。今之四門亦無所不具。爲諸乘者。通三乘菩提。故俱舍賢聖品云。覺謂盡無生。順此故名分。釋曰。覺者無明睡眠。皆永斷。故盡無生智。爲此覺體。三十七品順趣菩提。各菩提分。今順亦因義。

疏二顯同異。瑜伽四十四大乘菩提分。乃有多種。

撰述
華嚴疏鈔卷之一
三十七品乃是其中別義。通於大小。涅槃亦說三十七品爲涅槃因。非大涅槃因。無量阿僧祇道品爲大涅槃因。故下五地中說無量道品。及離世間品。說道及助道皆各無量。今約寄位。故但三十七耳。若準智論。但三十七無所不攝。卽無量道品亦在其中。如分別四諦有無量相。但心行大小不同。淨名云。道品是道場。是法身因。大集名菩薩寶。炬陀羅尼。涅槃云。若人能觀八正道。卽見佛性。名得醍醐。皆約大說。鈔如分別下。二引證。暗引涅槃第十三經。南本十二。迦葉菩薩白佛言。世尊。佛昔

一時在恒河岸尸首林中。爾時如來取少樹葉。告諸比丘。我今手中葉多。一切因地草木葉多。諸比丘言。世尊。一切因地草木葉多。不可稱計。如來所捉少不足言。諸比丘。我所覺了一切諸法。如因大地生草木等。爲諸衆生所宣說者。如手中葉。迦葉難言。世尊。爾時說如是言。如來所了無量諸法。若入四諦。卽爲已說。若不入者。應有五諦。佛讚迦葉善哉。善哉。善男子。汝今所問。則能利益安隱快樂。無量衆生善男子。如是諸法。悉已攝在四聖諦中。下云。智有二種。一者中智。二者上智。善男子。知諸

陰苦是名中智。分別諸陰有無量相。悉皆是苦。非是聲聞緣覺所知。是名上智。廣說云云。又云善男子。知愛因緣能生五陰。是名中智。一人起愛。無邊無量。聲聞緣覺所不能知。是名上智。又云善男子。知滅煩惱是名中智。分別煩惱不可稱計。滅亦如是。不可稱計。非是聲聞緣覺所知。是名上智。又云善男子。知是道相能離煩惱。是名中智。分別道相。無量無邊。所離煩惱亦無量無邊。非諸聲聞緣覺所知。是名上智。釋曰。皆明四諦有無量相。而皆攝在四諦之中。故知三十七品。若分別之。有無量相。

則三十七攝無量道品。但心行者。三揀下釋文中。廣見其相淨名下。第四廣證大義。總引三經四文。一引淨名二文。一卽光嚴童子經初已引。今舉其中云。三十七道品是道場。捨有爲故。下結云。善男子。菩薩若應諸波羅蜜教化衆生。諸有所作。舉足下足。當知皆從道場來。住於佛法矣。釋曰。意明得道之處。卽是道場。萬行得道。卽爲道場。卽大菩提因也。二卽法身因。亦淨名方便品。由國王等皆來問疾。因以身疾廣爲說法。諸仁者是身無常無強無力無堅。廣訶身竟便云。諸仁者。此可患厭。當樂

佛身佛身者卽法身也。後無量功德智慧生。從戒定慧解脫解脫。知見生。從慈悲喜捨生。從布施持戒忍辱柔和勤行精進。諸禪解脫。三昧多聞智慧。諸波羅蜜生。從六通生。從三明生。從三十七道品生。旣云能生法身。明非小矣。大集名寶炬者。示非小也。寶且諸德。故炬能破暗。故攝一切法名陀羅尼。豈是小耶。涅槃云。下。四引涅槃第二十九經。南本二十七佛言。善男子。衆生佛性不一不二。諸佛平等。猶如虛空。一切衆生同共。有之。若有能脩入聖道者。當知是人。則得明見善男子。雪山有草名

曰忍辱。牛若食之。則成醍醐。衆生佛性亦復如是。釋曰。斯爲正義。下。師子吼牒難。亦云如佛所說。若有脩習入聖道者。則見佛性。是義不然。下。難意云。道若是一。餘人無分。故佛舉平坦之路。以況入正。明知八正。能見佛性。卽非小矣。疏中義引。

疏三。明體性。雖三十七品。但以十法而爲根本。謂信戒念精進定慧除喜捨思惟。由信二。戒二。念開。爲四。精進定慧。此三各八。餘四各一。故成三十七品。復束此十。以三蘊爲體。謂戒是無表色。喜支是受。餘皆行蘊。五類法中。但二爲體。謂色及心所。若

取助伴則通五蘊。若取所緣。通一切法。廣顯差別。如智論二十一。二及五十三。瑜伽二十八。九。及四十五。雜集第十。下所解釋。依此諸論。鈔三。明體性下。初標列。俱舍賢聖品亦云。此實事唯十。謂慧。勤定。信。念。喜。捨。輕安。及戒。尋為體釋。曰。尋即此中。思惟。輕安。即除。除是智論之名。即經。猗覺分。猗者。美也。即輕安義。由信二下。二辨義。言信二者。即一信根。二信力。言戒三者。即八正中。正語。正業。正命。言念。開為四者。一念根。二念力。三七覺中。念覺。四八正中。正念。言精進為八者。即四正。勤為四。五精

進根六。精進力七。精進覺分八。正精進。言定有八者。謂四神足為四。五定根。六定力。七定覺分八。正定。言慧有八者。四念處為四。四念慧為體。鄰近名念故。五慧根。六慧力。七擇法覺分。擇法即慧故。言正見見即慧故。言餘四各一者。即除喜捨思惟也。由依漸開。及不開者。為二類故。不依俱舍之次。而先信次戒等。若毘婆沙則實事有十二。以戒中分出正語及與正業。以身語業不相離故。餘九同前。今依瑜伽俱舍。故但有十二。五蘊出體。曲有三義。初尅實出體。唯有二蘊。二五類出體。由攝受行以

撰述
華嚴疏鈔卷之一
三
爲心所。故於五類。唯有二類。則無心王及不相應。并無爲故。三相應出體。所依心王。必依於想。取心等相故。雜集云。助伴者。謂彼相應心。心法等。二總指宗源。不欲繁文。令知本故。

疏四正釋文。卽是行相。二十七品。總有七類。一對治顛倒道。卽四念處。二斷諸懈怠道。謂四正勤。三引發神通道。謂四神足。四現觀方便道。所謂五根。五親近現觀道。卽是五力。六現觀自體道。謂七覺分。七現觀後起道。謂八正道。鈔總有七類者。卽雜集瑜伽之意。其中義旨。至文當釋。

疏此七次者。若聞法已。先當念持。次卽勤脩。勤故攝心調柔。調柔故信等成根。根增爲力。次七覺分別。八正正行。有時八正在前。則未辦名道。已辦名覺。然上猶寄位。若約行者。初心通脩。況入地菩薩。鈔此七下。明次第。初正明。卽雜集意。故彼論釋七覺云。七覺所緣。卽四聖諦。如實性。釋八正云。八正所緣境界。卽此後時。四聖諦。如實性。由見道後所緣境界。卽先所見。如實性。爲體釋曰。此則八正是修道矣。若準俱舍賢聖品中。七覺卽當修道。故彼論問云。當言何位。何覺分增。偈答云。初業順決。

撰述
車胤疏鈔卷之一
擇及修道見位。念住等七品。應知次第增。釋曰。初業者。卽修別相總相念住。此初業位。能照身等四境。慧用勝。故說念住增。言順決擇者。卽暖等四位也。且暖法位中能證異品。決擇分也。殊勝功德。勤用勝。故說正勤增。頂法位中能持善趣。無退轉位。定用勝。故說神足增。忍法位中必不退墮。善根堅固。得增上義。說五根增。世第一位中。非世惑法所能屈伏。得無屈義。說五力增。言及修見道位者。修道位中。近菩提位。助覺勝。故說七覺增。見道位中。速疾而轉。通行勝。故說八正見。有餘師說。於見道

位。建立覺支。如實覺知四聖諦。故於見修二位。建立八聖道支。以此二位俱通直往涅槃城。故釋曰。後解正順。今經見道後說修道。見是七覺前解。雖七覺居前。而名修道。八正爲見義。當約位。八正在前。智論亦云。修功用故名覺。見道用故名道。同俱舍初意。亦是義當。八正居前。以見道後有修道。故又俱舍云。七覺八道支。一向是無漏。三四五根力。皆通於二種。則非見道前別有修也。今疏意符雜集及俱舍後師。故以七覺爲現觀自體。八正爲現觀後起。有時下會異釋。卽上俱舍意。然上猶寄位

撰述
聖嚴疏鈔卷之一
三
下第二圓融於中有三初句指前是約位說隨增勝義若約行者二諸教證明初心通修者大小乘說皆初通修況入地下三況出入證久已證如豈不齊具。

疏今初對治顛倒道名四念處四謂身受心法念謂念慧身等爲其念慧所安住處故亦名念住瑜伽云若於此住卽是身等若由此住卽是念慧鈔今初對治顛倒道文前有七一釋名若云念處唯唯約所住若云念住住通能所。

疏體實是慧以慧觀守境由念得住與念相近都

近名念。鈔體實是慧下第二出體若準雜集具二爲體論云念住自體謂慧及念由佛經中有隨觀言及念住言故今疏隨增說慧爲體故俱舍云四念住正斷神足隨增上慧勤定爲體實法加行善言加行善者卽相應五蘊卽下明助伴正勤神足例此念處一時辨體而疏云由念得住者卽婆沙意若俱舍云理實由慧令念住境如實見者能明記故所以但取以慧爲體今疏依婆沙者是其源故要須明記慧方住故故具以慧由念而住。疏雜集云一切菩提分法皆由五門而得建立一

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

垂胤疏鈔卷之一

三

所緣。二自體。三助伴。四修習。五修果。文或畧無義。必須具。今初念處。身等是所緣。念慧為自體。循身觀等為修習。破四顛倒。趣入四諦身等離繫。以為其果。鈔雜集云。下。三辨相差別。亦當引證。證上前後出體等文。即第十論。今初念下。二約當科釋。一所緣。如彰四所由。二自體。如上下出體。三修習。如下釋文。故此三門。列名而已。破四顛倒。下。引論辨果。趣入四諦者。由身念處。趣入苦諦。所有色身。皆行苦故。麤重所顯故。是故修觀行時。能治於此。輕安於身。差別生故。由受念住。趣入集諦。以樂等諸

受。是和合愛等所依處故。由心念住。趣入滅諦。觀離我識。尚無所有。懼我斷門。生涅槃怖。永遠離故。內法念住。趣入道諦。為斷所治法。修能治法。故身等離繫者是。論云。又此四種。如其次第。能證得身受心法。離繫之果。由此修習。漸能遠離身等麤重。故問上列有五。何唯釋四。答有二義。故。一經唯有四。故上疏云。文或畧無。二前已總明。出體中云。別兼助伴。五蘊為性。故若別說者。雜集云。謂彼相應心心法等。彼者彼念慧。二法釋曰。論云等者。等取心不相應行。及同時四相。亦是助伴。類非一故。

支那

垂胤疏鈔卷之二十六

三

疏此身等四。前二卽三蘊。而合想行爲法念者。爲明我所依事。我受用事。我自體事。我染淨事故。要此四者。治四倒故。謂觀身不淨。治於淨倒。觀受是苦。觀心無常。觀法無我。治三可知。鈔四彰四所由。二初對我對蘊開合。爲破我故。我有四類。故合爲四。卽是釋前所緣之境。故雜集云。念住所緣卽身受心法。上已畧明。又云。復有四事。謂我所依事等。疏但列名。論主釋云。由顛倒覺。愚癡凡夫。多分計我。依止有根身故。卽我所依事受用苦樂。卽我受用事所了境相。卽我自體事由貪等染汗。由信

等清淨。卽我染淨事是故最初爲正觀察眞實。實相故。建立此四種事爲所緣境。二除障障有四。故卽是重明第五修果。爲治四倒。合五爲四。言治二可知者。如初句苦治樂倒。無常治常。無我治我。故彼論云。修不淨觀故。了知諸受皆是苦故。通達諸識。依緣差別。念念變異。故觀察染淨。唯有諸法。無作用者。能如是知。是名修果。

疏此次第者。從麤至細。教對治。故智論云。此身既爾。不淨衆生貪者。以其情塵生諸受。故計之爲樂。誰受此樂。故次觀心。念念生滅。後觀二蘊。皆不自

在破此四倒行四正行。開實相門。若爾說四倒中何以常樂我淨而爲其次。此約先重後輕爲次第。故鈔五彰其次第。今從麤至細者。身色最麤。受領外境。望身次麤。心復爲次。不約境故。法最爲細。攝涅槃故。麤者易治。故云從麤至細。教對治故。智度論下。證次第對治之相。破此四倒下。結勸功能。亦是修果。對於常等。以無常等而爲正行。而非實相。由此悟入。故稱爲門。二解妨妨以相違。答以義別。此約輕重。前約麤細。故謂常倒最重。由計心。上而爲常故。生邪見等。無因無果。無善無惡。故最爲

重。樂次輕前。但計妄樂。不必邪見。執樂常等。生過淺故。次於想行。計有主宰。主宰不礙。有修行故。此復次輕。計身爲淨。但生妄貪。無大過故。故爲最輕。○疏然此四處皆容各起四倒。從多計說。各語其一。鈔六明倒通局。容各起四卽是通義。如一身上計其相續。但住爲常。有身爲樂。身卽是我。紅輝練色。如蓮如玉。故名爲淨。餘二準思。從多計下。辯其局義。身多計淨。受多計樂等。

疏然觀不淨等。通於大小。瑜伽四十五云。菩薩於聲聞道品如實了知。如聲聞地云。何大乘如實了

撰述
華嚴疏鈔卷之一
知謂勝義修及世俗修。世俗修者卽觀不淨等然
不計實勝義修者謂離相性。鈔七明觀相同異
引瑜伽釋小乘畧指大乘具二諦修。其世俗修多
同小乘但知緣假不計爲實則異小耳。

疏大集般若等皆性相雙觀智論亦爾。乃至不念
身受心法。無行經云。觀身畢竟空。觀受內外空。觀
心無所有。觀法但有名。此約如實然有二意。一則
法性湛然常樂我淨。卽遣無常等倒。二此入法空
俱遣八倒。鈔初正證修相。先引二經一論。明具
二修。後引無行。有如實修。而智論云。乃至不念身

受心法者。越於世諦。故云乃至。觀身空等。亦不取
空真如實也。文中二意。通前經論。但以法性唯破
四倒。多約性相雙脩而說。後意法空寂寥。約唯真
實說。故中論云。諸佛或說我。或說於非我。諸法實
相中。無我無非我。亦應云。諸佛或說常。或說於無
常。諸法實相中。無常無無常。樂淨亦爾。

疏勝鬘亦說四念能除八倒。鈔二廣引證成。具
上二意。勝鬘云。凡夫識者。二見顛倒。一切阿羅漢
辟支佛智者。則是清淨。邊見者。凡夫於五陰。我見
妄想計著。生於二見。是各邊見。所謂常見斷見。見

撰述
諸行無常是斷見非正見。見涅槃常是常見非正見。妄想見故作如是見於身諸根。分別思惟現法見壞。於有相續不見續故。起於斷見。妄想見故。於心相續。愚暗不解。不知剎那間意識境界。起於常見。妄想見故。故於彼義。若過若不及。作異想分別。若斷若常。顛倒衆生。於五陰中。無常常想。苦生樂想。無我我想。不淨淨想。一切羅漢及辟支佛。清淨智者。於一切智境界及如來法身。本所不見。或有衆生。信佛語故。起常想樂想。我想淨想。非顛倒見。是名正見。何以故。如來法身是常波羅蜜。於佛法

身作是見者。是名正見。正見者是佛真子。從佛口生。從正法生。從法化生。得法餘財。世尊淨智者。一切阿羅漢辟支佛智波羅蜜。此淨智者。雖曰淨智。於彼滅諦尚非境界。況四依智。釋曰。此上經文。乃有數重初見。諸行無常。涅槃是常。名斷常見者。自有二意。一以取相心見。不合法體。故斯最深玄。則常與無常二見。雙泯方能見理。二者見生。實有可斷。涅槃實有可證。亦不合法體。不知有淨說生。或無淨說涅槃。生及涅槃。二俱不可得。故若如此知。卽非二見。二從於身諸根下。約生及諸蘊。起

撰述
華嚴疏鈔卷之一
斷常見從於彼義下雙結上二以第一義起見著
故爲若過第二義不知利那壞爲斷不知心相續
爲常爲不及故上皆妄見二從或有衆生下明其
正見謂破生滅無常常想等爲二乘淨智見如來
法身常樂我淨爲菩薩正見破常等倒廣病而畧
藥不言脩無常行以破常等故顯如來常但舉其
藥而畧其病不言二乘謂法身等亦無常等故然
皆約五蘊卽是總明四念隨一一陰容起四倒之
義若取言總意別則無常常想卽屬心念苦有樂
想卽是受念無我我想卽是法念不淨淨想卽是

身念既是二種破於八倒故云勝鬘亦說四念能
除八倒

疏旣除八倒則成八行涅槃雙樹四雙八隻四枯
四榮正表於此鈔三結成正義例上勝鬘亦有
三意若約初意取着生滅無常涅槃常等卽是八
倒無念而知生滅無常涅槃常等卽是八行若依
第二意計於生滅若常無常等皆成顛倒故爲八
倒則非常非無常等而爲八行若依第三意謂生
滅常等佛無常等卽成八倒若謂生滅無常等佛
法常等卽成八行依第三意卽雙照常無常故經

撰述
聖嚴師金卷之一
引二鳥喻。常與無常不相捨離。依前二意。雙遮常無常等。故中論云。諸佛或說我。或說於無我。諸法實相中。無我無非我。亦應云。諸佛或說常。或說於無常。諸法實相中。無常無非常等。餘如下說。言涅槃。雙樹四雙八隻者。引事證成。如來涅槃之處。四面各有一雙娑羅之樹。各娑羅林。娑羅此云堅固。法瑤云。風霜不能改。四時莫能遷。以況法身金剛之質。老死不能變。念念不能易。常樂之相也。言四雙者。第二十經云。善男子。東方雙者。破於無常。以成於常。乃至北方雙者。破於不淨。以得於淨。釋曰。

既云乃至者。應言南方雙者。破苦得樂。西方雙者。破於無我。以得於我。又闍維經云。東方一雙。在於佛後。西方一雙。在於佛前。南方一雙。在於佛足。北方一雙。在於佛首。入涅槃已。東西二雙合爲一樹。南北二雙亦合爲一。二合皆悉垂覆。如來其樹。慘然皆悉變白。第一經云。爾時娑羅樹林。忽然變白。猶如白鶴。釋曰。爲對前後。先舉東次西。前爲破四。倒右旋而轉。又首北者。增一阿含云。表於佛法久住。北天長。阿含第四云。佛告阿難。安我頭南首。面向北。使佛法久住北天者。此必譯人不善迴文。豈

撰述
圭巖疏金卷之一
有首南而面北耶。故北首爲正。然彼經云。表尚順劣機。今以意求。北方主滅。表證寂滅故。兼顯履道背苦觀寂。然經文說樹無枯榮言。表法之中則有常無常等。按智者釋云。有枯榮旣表常等。或以義求。或別非據。按僧亮云。樹高五丈許。上合下離。其花甚白。其實如瓶。香味具足。今以二樹鮮榮。二樹枯瘁。明法不偏。釋曰。然未知所據。理甚昭彰。故以一枯表世間無常。一榮表涅槃常等。人不究之。但見於事。不知如來示此徵祥。以表八行遣此八倒。疏大品明以一切種修四念處。鈔大品下三別

示觀相。然上引證兼此別示。具五教意。初瑜伽中聲聞地說。卽小乘教。次約大乘。二諦別修。卽初教意。二引大集般若雙明。通於二意。若性相抗行。卽證成前義。若性相交徹。卽終教意。三引無行經。卽頓教意。今引大品。一切種修。卽圓教意。疏文有三。初引經標示言。一切種修者。卽以一切種智同佛修故。二智之義。已如前引。然有三意。一者對乘。小乘一切智。菩薩道種智。如來一切種智。今非此意。二者別對三諦。亦明三智。今亦非此。三者約教。圓教一諦三諦。圓融修耳。通因通果。今當此意。

撰述
法苑珠林卷之一
疏云何一切種修。應觀此身之色。法性緣生故。一
色一切色。緣生卽空故。一切色一色。法性中故。非
一非一切。雙照一一切。亦非色非不色。雙照色不
色。身念旣爾。餘二不然。鈔法性緣生者。謂觀此
身色。非唯但是虛妄顛倒所生之色。或謂不淨。或
謂爲空。乃是迷於法性。令於法性隨緣而生。名爲
性起。以性融相故。一多自在。然卽中論四諦品偈
意。因緣所生法。我說卽是空。亦爲是假名。亦是中
道義。此偈四句。初句總顯所依。下三句皆帶此句。
謂二因緣故空。三因緣故有。四因緣故中。今法性

緣生故。一色一切色。卽因緣故有也。若三乘緣生。
但各各緣生。今是法性緣生。法性融故。令一色一
切色。大品云。一切法趣色。則一切皆色。況十一色。
舉一全收。次句云。緣生卽空故。一切色一色者。卽
論釋緣生故空。則差別萬殊。但一性空之色。次法
性中故。非一非一切。雙照一一切者。卽論因緣故
中。雙非卽是雙遮辯中。以一與一切互卽奪故。下
雙照辨中。性相歷然。不可壞故。亦非色等者。二約
性相以明三觀。則一多相並上之數釋。皆屬相攝。
非色爲性。文但顯中。畧無空假。若具應言法性緣

標述
垂岸疏鈔卷之一
三
生故色緣生卽空故非色。法性卽中故非色非不
色等。亦具遮照中道之義。

疏云何枯榮。表此念處。謂法性之色實非是淨。凡
夫計淨。是名顛倒。實非不淨。二乘計不淨。是名顛
倒。今觀色種卽空。一切卽空。空中無淨。云何染著。
則凡淨倒破。枯念處成。色種不壞。假名。則一切皆
假。分別名相。不可盡極。假智常淨。云何滯空。而取
灰斷。言色不淨。是名二乘不淨倒破。榮念處成。是
以八倒俱破。枯榮雙立。觀色本際。非空非假。則一
切非空非假。非空故非不淨。倒非假故非淨。倒既

非二邊。乃名中道。佛會此理。故於中間而般涅槃。
餘三類此。鈔假智常淨者。由假觀中分別名相。
知凡之不淨。妄計爲淨。二乘謂實。妄謂不淨。今依
佛慧。如螺髻見。故云常淨。是以下。後辨中道。於中
二意。先結前生後。卽雙照辨中。後觀色本際下。雙
遮辯中。

疏是則對治法藥。其數有四。法性觀智。名之爲念。
一諦三諦。名之爲處。一切卽空。諸倒枯榮。無不空
寂。一切卽假。二邊雙樹。無不成立。一切卽中。無非
法界。鈔初正結四念。如常所明。身等但是所緣。

觀無常等但破常等。今是法性之四。一皆破八。故云法藥。稱性觀智。方稱為念。四念之處。皆具三諦。一切圓融。

疏只一念心。廣遠若此。故深觀念處。即坐道場。更不須餘機宜不同。故說餘品。一科既爾深奧。餘六。做此可知。下文之中。但畧釋相說者有力。一一開示。

疏今經但云觀身。不言淨不淨等。從通相說。顯包含故。

佛子。菩薩住此第四地。觀內身循身觀。勤勇念知。除世間貪憂。觀內外身循身觀。勤勇念知。除世間貪憂。除世間貪憂。觀內外身循身觀。勤勇念知。除世間貪憂。

疏文中二。初別觀身念。後如是下類顯餘三。今初觀身。自有內等三觀。此三智論瑜伽廣顯。其相今畧舉一兩。瑜伽云。內自有情色為內身。外非情。色為外身。他有情數為內外身。初即自身。我愛愛。故次即資具等。我所愛故。後即眷屬妻子。彼我我愛。我所愛故。智論二十八亦廣明此。五十三又云。自身名內。他身名外。而不明內外。取下釋意。但合前二故。所以有此三者。破三種邪行故。有人著內

情多。捨妻財以全身。有著外情多。貪財喪軀。爲妻捨命。有二俱著。破此三邪。成三正行。此約三人對治各別。若約一人起觀。始終謂先觀自身。求淨等不可得。或當外有。次便觀外。復不可得。便生疑云。我觀內時。於外或錯。觀外之時。於內或錯。次內外俱觀。亦不可得。初二。是別。後一。是總。以斯二釋。明知但合前二。爲內外身。鈔今初觀身者。瑜伽明三各別有體。身是聚義。故外無情。亦得名身。智論二意。前約三人修觀各別。後約一人修觀淺深。疏今初觀內身。初標別所緣。鈔今初觀內身者。

疏文有四。一所緣。念處所緣。卽身受心法。今明內身。卽別舉身中。少分以爲所緣。

疏次循身觀者。總顯修相。智論云。尋隨觀察。知其不淨等。然循有二義。一尋義。五種不淨。徧尋求。故二隨義。謂雖冥目。了見身之影像。隨順本質相似性。故前標內身卽是本質。今云循身卽是影像。此雜集意。鈔次循身下。二修習。先總標舉。以何尋求。瑜伽云。卽聞思修慧。此雜集意者。論文語隱。故取意釋論云。云何脩循身觀。由隨觀分別。影像身與本質身。平等隨觀。於身境隨觀身相似性。故

撰述
華嚴疏鈔卷之一
於身循身觀。由隨觀察分別影像身門。審諦觀察
本質身故。

疏次勤勇念知。顯修之儀。以貪等世事。無始惡習。
離之甚難。過於世間慈父離於孝子。故須精進方
能除遣。鈔次勤勇下。二別顯修儀。疏順經畧。若
準雜集云。又修習者。謂欲勤榮勵。勇猛不息。正念
正知。及不放棄。修習差別。故此有九脩。一論云。欲
修習爲對治。不作意隨煩惱。二勤修習爲對治。懈
怠隨煩惱。三策修習爲對治。沉掉隨煩惱。四勵修
習爲對治。心下劣性隨煩惱。心下劣性者。謂於下

勝品所證功德。由自輕蔑。心生怯弱性。五勇猛修
習爲對治。疎漏疲倦隨煩惱。疎漏疲倦者。謂能引
致重等處。所逼惱。六不息修習爲對治。得少善法。
生知足喜。隨煩惱。由得少善。生知足喜。故止息所
餘勝進善品。七正念修習爲對治。忘失尊教。隨煩
惱。八正知脩習爲對治。毀犯追悔。隨煩惱。毀犯追
悔者。謂於往來等事。不正而行。先越學處。後生悔
惱。九不放棄修習爲對治。捨諸善。輒隨煩惱。捨善
輒者。由放棄過失。故於所造。修勝進善品。捨勤方
便。不能究竟。釋曰。今經但有其四。而疏文中以四

撰述
華嚴疏鈔卷之一
收九而文有三初明勤意過於世間慈父等者智
論云離別常人易離別知識難離別知識易離別
親戚難離別親戚易離別自身難親戚即父母等
故云過也故須勤勇

疏勤即欲勤策勵勇謂勇猛不息念則明記不忘
知則決斷無悔鈔勤即欲勤下二正釋修相即
以論四修釋一勤字四皆勤類故次以五六二修
釋勇故云勇謂勇猛不息二念四知同論七八
疏又心若馳散當念老病灰苦三惡道苦身命無
常佛法欲滅名爲念知則能鞭心令復本觀便生

勤勇具上諸義則不放逸鈔又心若馳散下三
重釋念知合其第九不放逸修言重釋者上釋明
本念知今釋策其退敗準西域法維那乘衆於晨
朝時常誦此言以策懈怠言則能鞭心令復本觀
者即莊子意如人驅羊不及羣者謂之爲後鞭令
及羣故云鞭後脩心如羊馳散如不及羣令復本
觀即及羣也無常三塗等即是鞭也

疏次言除世間貪憂者即觀之果有所離故觀身
不淨本爲治貪行者既離五欲世樂未得定樂或
時生愛如魚樂水常求樂事還念本欲多生此

撰述
重刊政錄卷之一
故偏遣之。又貪爲五蓋之首。貪除則五蓋盡去。如破竹初節。憂於五受之中。偏能障定。如滅惡賊先除巨害。故偏說之。

疏其不淨等。廣如二論。如實觀相。已如上說。次觀外身及內外身。所觀小異。觀相大同。鈔其不淨下。謂助伴自性等。

如是觀內受外受內外受。循受觀觀內心外心內外心。循心觀觀內法外法內外法。循法觀觀勤身念知除世間貪憂。

疏後例餘三念處者。準瑜伽意。依前內等三身。生

受心法。故受心法隨所依生。亦有內等。鈔準瑜

伽等者。釋後三念處內等三觀。引二論明。初瑜伽

意云。如觀上內身。以自身五根爲境。對之成觸。觸

故生受領不淨等。是各內受觀。上外身及內外身

生受例然。如受既爾。心法亦然。

疏智論之意。大同於此。論問云。於四念中心。唯是

內受法。唯外身通內外。云何於四皆有內等。答。受

有二種。一身二心。心受各內。身受各外。又意識相

應受各內。五識相應受各外等。心雖是內。緣外法

故名外。五識一向是外。又定心爲內。散心爲外。法

雖是外緣內法心數法名內緣外法心數法及無
爲心不相應行是外。鈔智論云者釋有小異。心
唯是內者。心是已之心。王意根攝故。言受法唯外
者。謂十二入中受唯在外。法人攝故。受必受於六
塵境故。法謂想想取外相。行卽思惟等。觸前境
故。故唯在外。言身通內外者。觀於自身爲內。妻子
等爲外。答受有二。下論答疏文有三。初別明三念
內外二義。謂此三念前二各二義。受中一約身心
二受。五根所受名身受。六識所受名心受。第二義
就六識中自分內外。次心雖下。明心念二義。後法
雖是外下。法唯一義。謂唯心故。初義大同。瑜伽錄
皆不同。

疏後三念處亦合前二以爲內外。餘如二論。其循
歷觀相如先總說。

復次此菩薩未生諸惡不善法爲不生故。欲生勤精
進。發心正斷。已生諸惡不善法爲斷故。欲生勤精進。
發心正斷。未生諸善法爲生故。欲生勤精進。發心正
行。已生諸善法爲住不失故。修令增廣故。欲生勤精
進。發心正行。

疏第二正勤者。四念智火。若得勤風。則無所不燒。

故次辨之。鈔第二正勤下。疏文有四。一來意中謂躡前段法喻雙辨。瑜伽但云如是於四念住中慣習行故。已能除遣。麤重顛倒。已能了達。善不善法。從此無間。於未生善法爲令生故等。

疏精進爲其自體。鈔精進者。第二出體。卽善十。一中勤也。唯識云。勤謂精進。於善惡品修斷事中。勇捍爲性。對治懈怠。滿善爲業。勇表勝進。揀諸染法。捍表精純。揀淨無記。卽顯精進。唯善性攝。釋曰。勇明念念高勝。非如染法。設雖增長。望諸善品。皆名爲退。不得名進。捍表精純。不同無覆無記之淨

也。

疏故總名勤。揀非九十五種相違之勤。故名爲正。雖是一勤。隨義分四。前二勤斷二惡。是止惡行。後二勤修二善。是作善行。二善二惡。皆所緣境。前中未生之惡。遏令不生。已生之惡。斷令不續。後二未生善。令生。已生令廣。鈔故總名勤下。三釋名有。二。一正釋分二。先仍前出體。以釋總名。前二勤斷下。釋別名。義當辨相。於中有三。初束四爲二。不出惡止善行。前中未生下。三揀四別相。未生之惡。遏令不生者。遏者止也。經云。爲不生故。瑜伽云。若未

和合。未現前。名未生。爲令不生。發起希願。我當令
彼一切皆不復生。言已生之惡。斷令不續者。經云
爲斷故。瑜伽云。已和合。已現前。名已生。先已和合。
爲斷故。發起希願。我當於彼一切皆不忍受。斷滅
除遣。釋曰。只令不續。卽斷滅除遣。故遠公云。已起
謝往。云何可除。此乃斷於已生種類。在未來者。令
不相續。非謂斷於起已滅者。後二未生者。經云。爲
生故。瑜伽云。謂於未得未現前所有善法。爲欲令
得。令現在前。發心希願。發起猛利。希求獲得。欲求
現前。言已生令廣者。經云。爲令增廣。瑜伽云。謂已

獲得。已現在前。所有善法。於此善法。已得不失。已
得不退。依是說言。爲欲令住於此善法。明了現前。
無暗鈍性。依是說言。令不忘失。於此善法。已得現
前。數數修習。成滿究竟。依是說言。令修圓滿。今經
文畧。但云增廣。亦攝瑜伽。令住明了。及圓滿言。遠
公亦云。已生謝往。云何可崇。曰。此亦崇彼已生種
類。在未來者。令其續起。上云圓滿。已是種類。

疏亦名四正斷。後二是修而言斷者。善是斷處。正
修斷者。斷懈怠故。故瑜伽云。一律儀斷。二者斷斷。
三修習斷。四防護斷。鈔故瑜伽下。五引論正證。

撰述
垂肩頂金卷之一
後二是斷。以四皆名斷故。一律儀斷者。卽已生惡法。由於已生惡不善事。應修律儀。令其斷滅。不應忍受。二斷斷者。卽未生惡法。爲欲令彼不現行。斷爲欲令彼不現前。斷爲斷故。斷名爲斷。斷釋曰。此意明斷絕不生。三修習斷者。卽未生善法。由於善法數數修習。先所未得。能令現前。能有所斷。名修習斷。四防護斷。卽已生一切善法。由於已得。已現在前。諸善法中。遠離放逸。修不放逸。能令善法住。不忘失。修習圓滿。防護已生所有善法。能有所斷。名防護斷。釋曰。上疏云。善是斷處。正修斷者。斷解。

支那
卷三十六
怠故。卽斯意也。由脩習爲能斷故。然瑜伽初釋。先明未生惡。與今經次同。而說四斷。卽先明已生惡。不正釋所以。而下結云。復云。何知。此中畧義。謂爲顯示於黑白品。捨取事中。增上意樂圓滿。及加行圓滿。是故宣說四種正斷。釋曰。意明是二惡二善。各以前義爲增上意樂。後義爲加行圓滿。已生惡令斷。是意樂。未生不生。卽是圓滿。故先辨已生。此約修行之時。前據說時。先明未生。後辨已生。謂爲物說時。應云。若未生惡。莫令生。已生者。卽須斷。若修行時。爾時有惡。卽須斷除。莫令復生。故遠公云。

撰述
聖
惡中先說未生者。此約說時非行時也。善中先明未生者。善非本有。習之方起。是以先起未生。故釋中又云。亦可已生。是其先成。無明住地。細故後除。未生是其四住。現惑。麤故先斷。

疏然其善惡有通有別。別正取前念處觀中懈怠。五蓋等以爲不善。其能對治爲所生善。約大乘說。勤觀法性。除實相之外。皆名爲惡。鈔然其善惡下。三揀通局。疏文有二。先明局也。此門兼揀權實。疏唯顯實。然瑜伽云。云何名惡。不善法。謂欲塵染。污身語意。惡行所攝。及能起彼所有煩惱。云何名

爲一切善法。謂若彼對治。若善對治。若結對治。釋曰。此卽疏文中別者是也。論下廣說惡不善相大意。不出前也。約大乘下。此言辯通。此應有二。一通一切事惡。二約理說。如今疏文。唯實相爲善。餘皆爲惡。則取善相亦名爲惡。斯則實教修正斷意。亦應言。若有可斷。不名真斷。無斷斷者。則無所斷。無勤之勤。方名爲勤。故法句經云。若起諸精進。是妄非精進。若能無有妄。精進無有涯。

疏就一一勤中文。皆有四。今初一未生不善法。此舉所緣。二爲不生。故明修觀意。三欲生者起希願。

撰述
五藏疏鈔卷之一
心是修習依止。卽增上意樂圓滿。四勤精進下。正顯修習。卽加行圓滿。勤精進者。常自策勵。發心正斷者。謂策心持心。餘三文例此可知。鈔就一一者。釋文中。三初釋初勤。疏節經文以爲四節。初一所緣。後二修習。第三修果。前已出體。助伴一種。念處總明五門具矣。雜集論云。正斷修習如經所說。欲生策勵。發起正勤。策心持心。此中諸句。顯修正勤及所依止。所依止者。謂欲樂爲先。發精進故。故疏云。發希願心。希願卽欲勤精進下。卽雜集云。正勤者。謂策勵等。於止舉捨相作意等中。若由止等

相作意。不顧戀所緣境。純修對治。爾時名策勵。卽勤精進字。發心正斷者。謂若沉沒隨煩惱生時。爲欲損減彼故。以淨妙等作意策練其心。若掉舉隨煩惱生時。卽以內證畧攝門。制持其心。爾時名爲發起正勤。而疏增上意樂。加行圓滿。卽瑜伽文。彼論結云。當知此中由欲故。增上意樂圓滿。由自策勵。發勤精進。策心持心。故加行圓滿。瑜伽師云。唯有如是。正所應作事。謂爲斷滅所應斷事。及爲獲得所應得事。先當起希願樂等。細尋上二論。疏文易了。

疏若二惡不生棄捨。二善得生增廣。是正勤果。
鈔若二惡下。三顯果中。已生未生之惡。棄捨已生
惡。已生未生之善。增廣已生善。雜集論云。正斷果
者。謂盡棄捨一切所治。於能治中。若得若增。是名
修果。

○疏第三四神足者。以勤過散亂。智火微弱。故須定
制。則所欲自在。

疏神卽神通。足卽是定。瑜伽云。如有足者。能住能
還。以騰躍勇健。能得能證。世間勝法。世殊勝法。說
名爲神。彼能到此。故名神足。此舉喻也。由出世法
最勝自在。是最勝神。欲等四定。能證此故。名爲神
足。亦名如意足。所欲如心故。鈔神卽神通下。二
釋名也。引論中。二先喻。後由出世下合。

疏神足所緣卽種種變事。

疏神足自體卽二摩地。

疏欲勤心觀。皆是助伴。欲謂猛利樂欲。勤謂精進
無間心。卽是定。謂專心守境。觀卽是慧。由聞教法
內自揀擇。由欲增上力。證心一境性。名爲欲定。餘
三亦然。勤觀心性。名爲上定。皆從加行受名。鈔
欲勤心下。五明助伴。卽是辨相。於中有二。一標釋

撰述
重編疏鈔卷之一
也標四助者謂由此四親能助故若通明助伴已見念處之初釋中言欲者瑜伽意云謂能生樂欲於諸不善自性因緣過患對治審正思察起心一境念於諸善法自性因緣功能出離審正思察住一境念卽由如是多修習故觸一境性能害現行故名欲定勤謂精勤者謂自策自勵發勤精進以斷二惡修二善故心卽是定者謂心專守護卽名爲心此是加行得心一境性故名爲定雜集云心三摩地者謂由先修定力觸心一境性所以者何由於前生數修定力令彼種子功能增長由種子

力令心任運於三摩地隨順轉變由此速證心一境性釋曰此明由昔種子其心任運趣定卽是加行亦有經論名爲念定繫意住故故能守境由欲增上力下結成定名皆從加行下受別名也卽以因名果若四皆名定則因從果稱

疏此四加行卽前正勤中欲生勤精進發心正斷等以發心中持心能生心定持太舉故策心能生觀定策太沉故是以隨一念處有四正勤隨一正勤有四神足鈔此四加行下二彰其所因因前正勤生故前云欲生此名欲定前云勤精進此爲

勤定前發心中開出策心持心故有心觀二定
復次此菩薩修行欲定斷行成就神足依止厭依止
離依止滅迴向於捨
修行精進定心定觀定斷行成就神足依止厭依止
離依止滅迴向於捨

疏文中先別明欲定後修行精進下通顯餘二。今
初言修行欲定者標舉所修助伴自體斷行二字。
總顯修相亦修之果。鈔標舉所脩者欲爲助伴。
定爲自體斷行等者對下依止厭等別明修相故。
云總明對下成就神足正明於果故云亦修之果。

疏云何修相此復二種。一修習欲定能斷現行諸
惑纏故。二爲欲永害所有隨眠修八斷行謂欲勤
信安念正知思及捨云何亦果若將斷行屬下成
就則斷行成就亦神足果次成就神足唯是彼果
鈔修八斷行者疏文具足瑜伽二十九釋欲勤
心觀竟云如是修習時有八斷行爲欲永害諸隨
眠故爲令三摩地得圓滿故差別而轉一欲二策
勵三信四安五念六正知七思八捨瑜伽意云欲
希望樂欲我於何時修定圓滿滅惡隨眠二策勵
不捨加行三於上所證深信解四心生歡喜漸

撰述
羣屬疏鈔卷之一
除籠重五安住其心於奢摩他六住毘鉢舍那慧
品七心造所作能順止觀八三世之中心無染汚
結云由二因緣於隨眠斷分別了知謂由境界不
現見思及由境界現見捨故對文可知雜集同此
更依彼釋論云如是八種畧攝爲四一加行二攝
受三繫屬四對治一加行者謂欲精進信欲爲精
進依信爲欲因所以者何一由欲求故爲得此義
故發勤精進如是欲求不離於信有體等故二攝
受者謂要由此輕安攝益身心故三繫屬者謂正
念正知由不忘所緣安心一境故若有放逸生如

實了知故隨其次第四對治者謂思捨策心持心
二加行力已生沉掉能遠離故又能引發離隨煩
惱止等相故與前九修亦大同也

疏後依止厭下復顯修相兼辨所緣準雜集論五
根已下方緣四諦爲境七覺已下方有依止厭等
以爲修相今經神足卽緣四諦而修謂緣苦修必
依厭苦若緣集修必依離欲若緣滅修必求證滅
若緣道修必起滅苦之行能捨於苦緣此境時必
求修習故云廻向鈔復顯修相者對上斷行兼
顯修故名爲復顯卽修習門兼辨所緣者緣四諦

故卽第一所緣也緣此境時者雜集之中名爲棄捨義亦同此

疏亦是加行等四道下文依止厭等並同此釋鈔亦是加行等者卽遠公意此約分位而釋一加行道爲厭觀過厭背故二見道爲離除見惑故三修道爲滅斷修惑故四無學道爲捨同涅槃故亦卽雜集八斷之中攝爲四義厭卽加行離卽攝受得輕安故滅卽繫屬不忘所緣心一境故廻向於捨卽是對治捨沉掉故何以念處正勤無此四耶得定成就方有此故

○疏第四五根現觀方便道增上名根五根自體卽信等五此五通於生起出世間法而爲增上前四復能起後得增上名而信爲上首能起餘四鈔第四五根文前有四一總標舉旣屬忍位忍可諦理修印順定故爲方便亦卽所緣故論云五根所緣境者謂四聖諦由諦現觀方便所攝作此行故此五通下四別釋五得根名此中有二先明五根通望出世以得根名前四復能下後明前四復望於後以得根名謂信起後四進起後三念起後二定起後一其最後慧根唯望出世而有增上卽瑜

伽意。

復次此菩薩修行信根。依止厭。依止離。依止滅。迴向於捨。修行精進。念根。定根。慧根。依止厭。依止離。依止滅。迴向於捨。

疏文中先別明信根。後通顯餘四。二段中各先標舉所脩。後依止等別顯修相下之三科。例此可知。疏今此所修。卽於諦實。深忍樂欲。餘四卽於前所信策勤而行。明記不忘。繫緣一境。揀擇是非。餘如前說。鈔今此所修下。二顯修相。若通顯修相。卽依止厭等。故下總例云。餘如前說。今但別示信等

之相。於中二先釋信。後例釋餘四。此文稍畧。雜集論中皆相躡云。精進根者。既於諸諦生忍。可已。爲覺悟故。起精進行。修習念根。於諸諦實發精進。已起。不忘失行。修習定根。於諸諦實既繫念。已起心一性行。修習慧根。已於諸諦。心既得定。起揀擇行。修習斯慧。疏文雖畧。義已備矣。

疏然始入佛法。卽有信心。未有定慧。不得名根。今由前三科。則信不可拔。鈔然始入下。第三通妨難云。佛法大海。初信能入。何以至此。方立信耶。通意可知。今由前三科者。卽三四也。故瑜伽云。由如

撰述
是增上心學。增上慧學。所有瑜伽故。於大師弟子
所證。深生信解。深生淨信。此清淨信。增上義故。說
名信根。應問言。信由三科。信不可拔。餘四由何
復不可拔。答。餘四前修。至此成根。於理何失。

疏。此中念。卽念處中念。進卽正勤。定則神足。慧卽
緣四諦慧。前三至此。總得名根。鈔。此中念者。四
別示體性。前雖總云。卽信等爲體。未知信等從何
而來。故此示之。念。進。定。卽前三品。爲順。三品。故
先明念。慧卽緣四諦慧。卽依止厭等念。已配於念
處。故云。慧是緣四諦慧。理實慧根。通前三科。四念

慧爲體故。正勤。勤觀。二善。故神足有觀。定故。然其
後。二但是助伴。故不說之。四念。雖卽慧是其體。現
名念故。所以但云觀。四諦慧以爲慧也。又前三科
前。二雖未建立。依止厭等。而義通四諦。故云緣四
諦慧。

疏。若依位者。在於見道之前。則以速發現觀而爲
其果。今在四地。卽應以發後地爲果。鈔。若依位
下。第五禪果。於中有二。先依論。禪雜集云。五根修
果。謂能速發現觀。由此增上力故。不久便能生見
道故。又能修治煖頂。引發忍世第一法。卽於現身

撰述
已入順決擇分位故。今在四地下。二就經辨
復次此菩薩修行信力。依止厭。依止離。依止滅。迴向
於捨。修行精進力。念力。定力。慧力。依止厭。依止離。依
止滅。迴向於捨。

疏第五五力。卽前五根增長。魔梵惑等不能屈伏。
故名爲力。又能損減不信等障。故復名力。智論云。
能破煩惱。得無生忍。故名爲力。鈔魔梵惑下。一
不爲他伏。於中先引雜集及瑜伽二十九云。若復
了知前後所證。而有差別。隨此能於後後所證出
世間法。生深勝解。難伏制故。說名爲力。誰不能伏。

此清淨信。若天若魔。若諸沙門婆羅門。若餘世間。
無有如法能引奪者。諸煩惱纏亦不能伏。故名難
伏。此爲上首。此爲前行。餘精進等亦名爲力。又能
損減下。二能伏於他。引於二論。以果釋力。文中分
二。先暗引雜集論云。所說果者。謂能損減不信等
障。故勝過於前。雖與五根所緣境界自體相似。然
不可屈伏等。義有差別。故別立覺分。今疏卽此論
文。兼合瑜伽。但明伏他。論云。由上諸力。具大威勢。
摧伏一切魔軍勢力。能證一切諸漏永盡。是故名
力。智度論下。二明引智度論。以果釋力。然依雜集。

卽現觀親近道義通大小。今約菩薩故得無生法。忍若初地見道稱無生者亦是現觀。

○疏第六七覺覺謂覺了。若依位說卽現觀自性。如實覺慧覺法自性覺支自體卽念等七。鈔若依位下二別示覺體釋成覺義是釋通名。故瑜伽云諸已證入正性離生補特伽羅如實覺慧用此爲支故名覺支卽釋名意也。亦卽所緣故雜集云七覺所緣謂四聖諦如實性實性者卽勝義清淨所緣故。故疏云覺法自性法自性者卽四諦如實性覺卽上如實覺慧之用以所觀境釋成覺義亦以

能覺顯所觀境二義相成覺支自體下第二出體。然上約如實總體今辨隨相別體謂七各一法爲性。念定擇法卽別境五中念定慧二擇卽慧故。精進猗捨卽善十一中三法所攝精進卽勤。猗卽輕安。捨卽行捨喜卽受蘊受卽偏行五法中攝。復次此菩薩修行念覺分依止厭依止離依止滅。迴向於捨。修行擇法覺分精進覺分喜覺分猗覺分定覺分捨覺分依止厭依止離依止滅迴向於捨。

疏文中亦二。先別明念覺後通顯餘六。然七覺分七皆自體而差別者覺爲自體餘六皆覺之分謂

念是所依支。由繫念故。令諸善法皆不忘失。擇法
是自體支。覺自相故。精進是出離支。由此勢力能
到所到故。喜是利益支。由心勇悅身調適故。猗定
捨三是不染污支。猗即輕安。由此不染污故。謂由
安故能除。籠重定者依此不染污故。謂依止定。得
轉依故。捨者體是不染污故。謂行捨平等。永除貪
憂。不染污位爲自性故。鈔然七覺分下。第二辨
相兼顯分義。於中有二。先總明。謂七於心所各別
有體。以覺統餘故。擇法一支以爲覺體。餘六皆分
順成覺義。謂念是下。二別示其相。全是雜集論文。

疏總收七覺不出二品。念通定慧。次三是慧。後二
定攝。雖是前三。至此增故。鈔總收七覺下。第二
會通相攝。卽瑜伽意。於中有二。先正相攝。念通定
慧者。徧行定慧故。四念是慧。須得念故。神足是定
心定。須念。方守境故。雖是前三。下二通妨。謂有問
言。既是前三。此何重說。增故名覺。

疏依位所明。能斷見惑以爲其果。鈔依位所明
下。第四辨果。雜集論云。覺支修果者。謂見道所斷
煩惱永斷。由七覺支是見道自體故。瑜伽云。最初
獲得七覺支故。名初有學。見聖迹已。則永斷滅見

道所斷一切煩惱唯餘修道所斷煩惱。

疏又雖一刹那七法俱起而隨行相各說功能念除妄念擇除不正知餘除懈怠昏沉麁重散亂掉舉上約通說鈔又雖一刹那下第五分位謂雖見道迅速有十六心義則一刹那中七法俱起功能不同不可言一。如七味香檮篩和合焚如麻子七香齊發念除妄念下。別示異相。

疏大乘七覺不念諸法故。決擇不可得故離進怠相故絕憂喜故除安心緣皆叵得故性定之中無定亂故亦不見於能所捨故。鈔大乘七覺下。六

明理觀卽頓門禪意不念諸法卽是念覺故昔人云真如無念非念法能階實相無生豈生心能到無念念者則念真如無生生者生乎實相故起信云若知離念無有能念所念是名隨順若離於念名爲得入淨名亦云常求無念實相智慧故般若云若念一切法則不念般若波羅蜜不念一切法則念般若波羅蜜等餘可虛求。

復次此菩薩修行正見依止厭依止離依止滅迴向於捨修行正思惟正語正業正命正精進正念正定依止厭依止離依止滅迴向於捨。

疏第七八正。若依位說卽現觀後起道爲斷修道諸煩惱故。鈔第七八正疏文有七。一約類辨意言約類者卽七類中現觀後起道言辨意者爲斷修道諸惑故。總含雜集五門之中所緣境也。故彼論云。八正所緣境者謂卽後時四聖諦如實性由見道後所緣境界卽先所見諸諦如實性爲體釋曰卽疏文中現觀後起意也。

疏離八邪故名爲八正。開通涅槃故名爲道亦云。八聖道聖者道故。鈔離八邪下第二釋名。瑜伽論云。何因緣故名八支聖道。諸聖有學已見迹者

由八支攝行迹正道能無餘斷一切煩惱能於解脫究竟作證是故名爲八支聖道對疏可知。疏八正自體卽正見等。

疏文中亦先別明正見後通顯餘七言正見者是分別支依前所證真實揀擇故。正思惟者是誨示他支如其所證方便安立思惟名義發語言故。次三是令他信支謂正語者善依所證問答決擇令他信有見清淨故。正業者身業進止正行具足令他信有戒清淨故。正命者如法乞求依聖種住離五邪命令他信有命清淨故。正精進者是淨煩惱

障支。由此永斷一切結故。正念者。是淨隨煩惱支。由不忘失。正止舉相。永不容受。沉掉等故。正定者。是能淨最勝功德障支。由此引發神通等無量勝功德故。鈔文中已下。第四釋文。卽當辨相。全是雜集之文。而合八爲六。合戒三故。瑜伽文廣意不殊。此故釋。正見云。當知此中若覺支時所得真覺。若得彼已。以慧安立。如證而覺。總畧此二。合名正見。釋曰。所得是一。安立是二。卽一見道。合名正見。依前所證者。卽真見道。依實揀擇。卽相見道。正精進者。瑜伽論云。依正見及正思惟。正語業命。勤修行者。所有一切欲勤精進。出離勇猛勢力。發起策勵。其心相續無間。今雜集意。但顯功能。不顯其相。正念者。瑜伽論云。由四念住。增上力。故得無顛倒。所攝正念及與正定。

疏若能如上分別。誨示等。卽是道支之果。鈔若能如上下。第五辨果。言分別。誨示等者。上攝八爲六。今等取後四。故雜集云。道支修果者。謂分別。誨示。欲令他信。煩惱障淨。隨煩惱障淨。最勝功德障淨故。

疏然其中。語業命。二是戒蘊攝。念定是定。餘二

撰述
聖廟正鈔卷之一
是慧定慧大同諸品但增勝耳戒則前來未有覺
支雖有定共律儀無表相微此中正行故新建立
此寄位說鈔然其八中下第六類攝卽瑜伽意
以戒定慧三流類攝之於中有一先正攝爲三學
定慧大同下二對同揀異異唯在戒故瑜伽問云
何故此名聖所愛戒以諸聖者賢善正了長時愛
樂欣慕悅意我於何時當正獲得諸語惡行諸法
惡行諸邪命等不作律儀由彼長時於此尸羅深
心愛樂欣慕悅意故獲得此名聖所愛戒既獲得
已終不正知而說妄語等釋曰卽新建立意也

疏若依此經離世間品八正是菩薩道一者正見
遠離邪見乃至第八正定善巧方便於一二昧出
生菩薩不可思議法一切三昧則與前說旨趣懸
殊鈔若依此下七顯權實由上所明皆約寄位
故示本經真實之義今文畧舉具云隨順菩提修
八聖道是菩薩道所謂正見道遠離一切諸邪見
故起正思惟捨妄分別心常隨順一切智故常行
正語離語四過順聖言故恒脩正業教化衆生令
調伏故安住正命頭陀知足威儀審正隨順菩提
行四聖種一切過失皆永離故起正精進勤修一

切菩薩苦行。入佛十力無罣礙故。心常正念。悉能憶持一切言音。除滅世間散動心故。心常正定。善入菩薩不思議解脫門。於一三昧中。出入一切諸三昧。故釋曰。據此文證。豈不深玄。

△疏上之七類。總以喻顯法性如大地。念處如種子。正勤爲種植。神足如抽芽。五根如生根。五力如莖葉。增長開七覺華。結八正果。鈔上之七類。總以喻顯下。卽第五段。然婆沙智論皆有此文。並皆以樹況於道品。故名道樹。

菩薩修行如是功德。爲不捨一切衆生故。本願所持。故大悲爲首故。大慈成就故。思念一切智智故。成就莊嚴佛土故。成就如來力無所畏。不共佛法相好音聲。悉具足故。求於上上殊勝道故。隨順所聞甚深佛解脫故。思惟大智善巧方便故。

疏第二護小乘行中十句。初總餘別。總中如是功德。指前道品爲不捨衆生。正明護義。不同二乘之獨善故。別中具有悲智。已出於小。況以此導前。九句爲四。一始。二益。三希。四行。前三護小心。後一護小行。一始者。大願爲起行之本故。二慈悲益物。上二護陝心。三思念種智爲希。此護小也。四行中有

撰述
五句前四自利初二求果一修淨土行求佛依報
二脩起佛法行求佛十力等正報之法後二求因
三求彼地方便無厭足行謂五六七地故云上上
勝道四修入不退轉地行卽入地已上覺法自性
顯佛解脫也後一利他卽教化衆生行必須善巧
佛子菩薩住此發慧地所有身見爲首我人衆生壽
命蘊界處所起執着出沒思惟觀察治故我故財
物故着處故於如是等一切皆離

疏大文第四彼果分中卽攝無盡行離障成德窮
盡生界爲利樂故果有二種一離障果從護煩惱
生二成德果從護小乘生前中又二一煩惱染生
遠離果此離惑障二業染生遠離果此離業障皆
言生者煩惱染等猶如生食今是寄位出世之首
能離彼生鈔大文第四者前已指經故此不牒
卽從佛子菩薩住此發慧地所有身見下是然總
唯二果前一開二後一開四便成六果然有二門
一行斷分別故云二中一離障果二成德果二對
前分別故云前從護煩惱生後從護小乘生隨文
釋中具以六果別別對前今初一是護煩惱者以
修道品對治行故遠離煩惱顯涅槃故業亦隨入

初爲二果

疏今初離惑先舉所離後於如是下結成能離。就所離中所起執着出沒。是此總相。餘皆是別。總中執着是前地中解法慢也。論云。我知大知者。我知謂執我能知。大知謂執所知大法。出沒者。是前地中正受慢也。出者三昧起義。故謂脩起彼定。沒者三昧滅義。故謂定所除。今計我能修此定。此定卽我所修。故論云。我修我所修。已釋總句。鈔所起執着者。此是斷惑。正斷三地。正受解法慢故。

疏別有五種。一本二起。三行。四護。五過。本卽所

有身見至蘊界處。於中身見爲總。我等爲別。別中我人等四爲人我慢。蘊界處二是法我慢。而云本者。有二義故。一以此我爲解法正受二慢之本。二者身見復爲二我及六十二見之本。有此差別。此中身見。若約實位。準唯識論。此地斷第六識中俱生身見。及所起過。由得出世道品治故。以分別起者。初地斷故。是以瑜伽名爲微細薩迦耶見。若約寄位。準仁王經。四地名須陀洹位。以寄出世之首故。則亦得斷分別身見。鈔本卽所有等者。疏文有三。一釋經。此中二我。計執自高。說爲我慢。非定

撰述
玉屑政鈔卷之一
法慢。此中身見下。三出所斷體。於中有二。一約實位說。具引唯識。已見初地。二約寄位。既是初果。初果初斷見故。

疏二思惟者明起。謂不正思惟而起慢故。

疏三觀察者明行。謂心行緣中。多觀所得。若法若定。求覓勝相。令他知故。

疏四治故。下三句明護。治者數數觀察。修治所見。我所者。起於我想。取彼勝相。屬我已故。財物者。如畜財者。受用護持故。以上三事。防護自己所得。鈔以上三事者。二事卽一治故。二我所故。三財物

故。自己有所得。卽前執着出沒法定。兩慢。此爲所護。總用四句。釋論護字。

疏五着處者明過。謂心堅安處。法定二事故。五中前三起慢方便。後二隨助慢心。上總及顯相。正是所起。鈔五中已下。總料揀也。五卽前一本。一起。二行。四護。五過。

疏後結離中。由得道品。正助方便。無不離也。鈔由得道品者。正謂正道。助卽助道。方便卽方便道。並如前說。

此菩薩若見業是如來所訶。煩惱所染。皆悉捨離。若

見業是順菩薩道。如來所讚皆悉修行。

疏第二此菩薩下。明離業染。上修道品。正離煩惱。煩惱既去。業亦隨亾。亾不善業而修善業。文中先亾惡。後進善。惡有二義。故不應作。一佛所不讚者。尊敬佛故不爲。二煩惱染者。畏惡名故不作。惡名則違利生道故。進善有二義。反此可知。又不作煩惱所染。異凡夫業。作順菩薩道業。則異二乘。

佛子。此菩薩隨所起方便慧。修集於道。及助道分。

疏第二成德果中有四。一於勝功德生增上心欲果。二彼說法尊中起報恩心果。三彼方便行中發

勤精進果。四彼增上欲本心界滿足果。此之四果。前三從前生。後一復從此三果生。前中初二護小心果。後一護小行果。前中初果者。由本欲上求下救。今更爲物轉轉上求。故云增上。鈔第二成德果。文中有二。先開章。名如下釋。此之四果下。二辨所從。初二護小者。對下小行故云小心。通上狹心。皆小乘心。今此二果。俱從狹小二心所生。言二果者。一增上心欲果。二報恩心果。上護狹心。是利他心。上護小心。是自利心。護二利行爲報佛心。俱護小乘。卽是心欲。今更增上。卽是其果。修此二利。爲

報佛恩故是其果。言後一護小者。卽發勤精進果。前護行中修二利行。謂成就莊嚴佛土等。有五句經。前四自利。後一利他。今皆勤行。卽是其果。上言後一復從前三果生者。卽增上欲本心界滿足果。謂於前段增上心欲得滿足故。報恩滿足故。於勤精進得滿足故。下疏文具。前中初果下。隨文釋也。先釋第一果。通約護小。故云上求下救。

疏文中二。初牒前修因。後如是而得下。顯所得果。今初卽牒前護小乘中總句也。隨所起方便慧者。牒前不捨一切衆生故。不捨衆生而修道品。是

有方便則道品慧解。脩習於道及助道者。卽前修習如是功德也。道卽四地證智。助道卽菩提分法。鈔今初牒前者。總句經云。菩薩修行如是功德。爲不捨一切衆生故。疏文具引。社文配釋。

如是而得潤澤心。柔軟心。調順心。利益安樂心。無雜染心。求上上勝法心。求殊勝智慧心。救一切世間心。恭敬尊德無違教命心。隨所聞法皆善修行心。

疏二顯所得果有十句。初總餘別。總云潤澤者。深欲愛敬故。謂由修二道。自有所潤。深欲敬上。由爲物修。潤及含生。深欲愛下。

疏別中九句。釋彼潤澤有三種勝。一柔軟心者。明樂行勝。謂證法適神故。二調順者。調和善順。緣中無礙。是三昧自在勝。上二是行體。三利益。下七句。明離過對治勝。此是行用。於中初句總利他無過。故利益。自利無過。故安樂。下六句隨過別顯。若不寄對。難顯性淨之德。六句卽離六過。經中皆是能治。一無雜染心。治爲利於貪過。及爲名妬心過。二治少欲功德過。三治不求勝智過。上三皆自利。四治懈怠不攝衆生過。上四皆離於行生過。後二離於教生過。謂五治自見。取不遵勝教過。六治捨爲

首不隨說行過。如說修行。於聞思中最爲其首。今捨彼首。所以爲過。又上救生。卽前悲果。求殊勝智。卽上求果。鈔二治少欲者。謂不欲布施頭陀等。今求上上勝法治之。三治不求者。上不求功德。此不求智慧。此二治不攝善。初一治不離惡。則惡止善行。總爲自利。四卽利他。則離自利利他。二行之過。亦是自分。後二亦勝進。前解後行。五治自見取者。執取自見以爲勝故。

此菩薩知恩知報恩。心極和善。同住安樂。質直柔軟。無稠林行。無有我慢。善受教誨。得說者意。

撰述
重巖頭鈔卷之一
疏第二此菩薩下。說法尊中起報恩心果。謂前地中從佛聞法。是說法尊。今起傳法修行之心。則爲以報諸佛恩也。上希求種智。由知佛有恩。故今思報。亦上求果。鈔起報恩心果。疏文有二。先對三地明報恩義。則通對狹小。後上希求下。卽近對護小乘中護小心也。
疏文中先別明。後總結。今初十句。初總餘別。總云知恩者。謂若隨順師教。行報恩行。方是知恩故。鈔先別明。後總結。亦可別明是報恩行。總結二心是報恩德。

疏別中彼行有九種類攝爲七。鈔別中等者。二三各二句故。此是論攝。亦可九句。

疏一知報恩者。依尊起報恩心。尊卽是佛。此爲恩主。故偏名報恩。鈔初一報恩心中六報恩行。後二解釋。今初總欲起行順佛化意也。

疏二有二句。依同法起報恩心。此明順同行善友意。鈔二有二句者。卽心極和善同住安樂。和善自行。同住不擾於人。故共爲同法起報恩。此明隨順者。以於同行起和順故。同行卽受善友之教。故於善友成報恩行。

疏三質直柔軟二句依法起行。謂隨順受教不違師命。故云質直。發修行事。逢苦能忍。故云柔軟。鈔依法起行者。依師受法。造緣修行。各依法行。順師受教。知之言知。不知言不知。故名爲直。以石投水。水能受石。心能受境。如水柔軟。

疏四無稠林行者。依受用衣食。於施主所。自過不覆故。鈔無稠林下。有一句云。無諂曲心。論釋云。不妄說已德。經以稠林合於諂曲。疏以不覆亦合自該。

疏五雖實有德而不高慢。六善受教誨。得師言

詮。七於教不倒。得師意旨。

疏上七品中。初二依人。次三依行。後二依教。所依雖異。皆同報恩。鈔初二依人下。通相收束。約經初有二句。一句於師。二句於友。次三依行。經有四句。前二成德。後二離過。後二依教。一領教。二得旨。此菩薩如是忍成就。如是調柔成就。如是寂滅成就。疏二此菩薩如是下總結。謂十句不出此三。忍卽心極和善。同住安樂。調柔卽質直柔軟。寂滅卽通結餘句。鈔寂滅等者。無覆無慢。受教得旨。皆寂滅義。此依古釋。直順經文。若準論經二句小異。忍

攝遺
善居而金卷之一
名善心成就調柔云寂滅寂滅云善寂滅論云善
心成就者是對治修行增長故者結前增上心欲
果此果從前第三分護煩惱行及護小乘行二種
對治生彼治此滿故名善心今云忍者即忍可也
論云寂滅心成就者是前對治修行增長力故即
結前二離障果由護煩惱對治家力得無二障故
既無二障故曰調柔論云如是善寂滅心成就者
彼果前二句顯釋曰善即初句寂滅即第二句總
合上二爲善寂滅成彼報恩心果云彼果前二句
顯由此一果通從前二種對治增上及二遠離生

故釋曰總上三句結前四果

如是忍調柔寂滅成就淨治後地業作意脩行時

疏第三如是忍調柔下發勤精進果謂行二利行
勤無怠故於前不捨眾生護小行中修勤故名方
便行中正無盡行相鈔謂行二利下釋此果
名於前不捨下辨所生處正是無盡行相者以今
經文釋成第四無盡行相

疏文中二先牒其得時鈔先牒前者此果正從
護小乘行生而是前果成時此果即成

得不休息精進不雜染精進不退轉精進廣大精進

撰述
華嚴疏鈔卷之一
無邊精進熾然精進無等等精進無能壞精進成就
一切衆生精進善分別道非道精進。

疏後得不休下正顯於中十句初總餘別別有九
種不休息義一不雜染者彼精進行平等流注故
雜染者共懈怠共染故染則著而太過懈則墮而
不及若琴絃之急緩若不進不怠爲平等流二不
退自乘上二自利三起廣念利他之心四爲無邊
衆生作利益願起攝取行上二利他上皆自分
鈔若琴絃者此是如來教守樓那彼是大富長者
之子足不履地出家之後精勤修道足下血流佛

問汝曾鼓琴耶答云曾鼓絃緩如何答云不鳴絃
急如何答云則絕當如何可答云不緩不急佛誨
之言修道亦爾。

疏下四勝進謂五熾然者常志願行猶如熾火上
進叵滅論經名光明兼照他地六修習過餘七魔
惑莫壞上三自利八攝取衆生卽是利他上八皆
行鈔六修習者卽經無等等精進前句行修之
初此句行修之次依前起行行修勝出故名過餘
後句行修之終故無能壞。

疏後一是解謂九自斷疑惑決是非故能伏他言

如無畏故若能具此爲正修習。鈔九自斷疑者。卽善分別道非道言如無畏者。謂如四無畏言。是出苦道若有難言。若言聖道能出苦者。何故阿羅漢有瘡疾等。佛於此難正見無由。心無怯畏。善爲決斷。論云。能斷疑惑等者。降伏他言。正修習故。疏分二疑。二疑皆斷。爲正修習。

是菩薩心界清淨。深心不失。悟解明利。善根增長。離世垢濁。斷諸疑惑。明斷具足。喜樂充滿。佛親護念。無量志樂。皆悉成就。

疏第四是菩薩下。彼增上欲本心界滿足果。菩提

分心是本心界。正念真如。修上道品。故云滿足。

鈔本心界者。疏文三。初釋名。卽是經中總句。心界

清淨。清淨卽滿足。界卽性義。心性差別故。先釋心

界。菩提分者。謂依菩提心樂欲心也。卽前增上心

欲果。釋滿足云。正念真如。修上道品者。以稱如修

是滿足故。卽前起報恩心果。

疏由精進故。瑜伽四十八躡前精進後。卽云由此

因緣。所有意樂。增上意樂。勝解界性。皆得圓滿。故

知此果。從前二果生。謂意樂卽第一果。增上意樂

卽第二果。勝解界性卽此心界。謂第三精進。令前

二果增長故云滿足。鈔由精進者是滿足因。疏文中十句初總餘別。別有九種。一深心不失者。彼道品心修行增益故。此一自分。下皆勝進。二於五地已上勝上證中。明鑒決斷故。三卽彼上證因。謂對治善根。治行過前。故云增長。四除滅所治煩惱障垢。五斷除此地中祕密疑事。卽是智障。微細法慢爲祕密疑事。由無攝受。則能除之。上二除內障。六觸境明斷。七依勝樂行。三昧適神。八上依佛力。化衆生故。九論云。依現無量三昧心。智障清淨。故此除定中智障。若直就經文。總顯本願皆得成。

就。鈔下皆勝進者。勝進八句。前六自利。後二利他。前中爲四。一第二句於他起解。二第三句於他起行。三有三句行成離障。一除煩惱障。二除所知障。云祕密疑事。微細法慢者。是下品慢難知爲微細微細故。祕密。八上依下二句利他。此句由佛護故。成利他行。九卽利他德。先舉論。後此除下疏揀異。第五句智障。合顯於化生中。現多三昧。定障解脫。方能化生。

佛子。菩薩住此談慧地。以願力故。得見多佛。所謂見多百佛。見多千佛。見多百千佛。乃至見多百千億那

由他佛。

疏第二位果中亦三。初調柔中四。一調柔行。二如摩尼下。明教智淨。三此菩薩下。別地行相。四佛子下。總結地相。初中三。一練行緣。二皆恭敬下。明能練行。三又更下。明所練淨。

皆恭敬尊重。承事供養。衣服臥具。飲食湯藥。一切資生。悉以奉施。亦以供養一切衆僧。

疏二。中一供佛福行。

以此善根。皆悉迴向阿耨多羅三藐三菩提。

疏二。以此下。迴向大行。

於彼佛所恭敬聽法。聞已受持。具足修行。復於彼諸佛法中出家修道。

疏三。於彼下。聽法慧行。於中先在家。後復於下出家。然登地已上。具十法界身。若出若在。何適不可。然隨義隱顯。有無前却。以前三地寄同世間。還依世法。初二人王故有。三地天王故無。四地已上。寄出世之首。故重明有。表心出家。故於調柔行中。明之。欲順天無出家。不於攝報中辨。六地已上。表證法平等。無出無在。故皆無出家。鈔四地已上者。既爲出世。不依世間法也。言已上者。兼五地故。上

撰述
重刊疏鈔卷之一
三
明有無。表心出家前却何以前二在攝報中。此在調柔之中。故云表心出家。於行中說。

又更修治深心信解。經無量百千億那由他劫。令諸善根轉更明淨。佛子。譬如金師。鍊治真金。作莊嚴具。餘所有金皆不能及。菩薩摩訶薩亦復如是。住於此地。所有善根下地善根所不能及。

疏三所鍊淨中有法喻合。金莊嚴具者。以三地阿舍金。現作此四地證智嚴具。故餘所有金者。卽未作嚴具之金。

如摩尼寶清淨光輪。能放光明。非諸餘寶之所能及。風雨等緣。悉不能壞。菩薩摩訶薩亦復如是。住於此地。下地菩薩所不能及。衆魔煩惱悉不能壞。

疏二教智淨者。以此地成就證淨。從體起用。故偏有此文。前以教成證。故喻金爲嚴具。今從證起教。故喻摩尼放光。摩尼寶珠卽證智體。無垢名淨。寂照名光。圓滿名輪。具上三義。故稱證智。言能放光明。名卽放阿舍光也。謂以此證智。證入無量教法。門義故。故能照光明。卽是證智。所照教法。以爲智處。證能普照。示現於教。得教光名。依證起證。故地名證慧。鈔卽放阿舍光者。此地之中道品行德。

撰述
華嚴疏鈔卷之一
從教修起。故名阿舍。又道品智。能知教法。亦名阿舍。又此道品差別行德。可以言顯。亦名阿舍。卽證體上有阿舍起。各示現也。

疏非餘寶下。對前顯勝。風等不壞。對他彰堅。鈔風等不壞者。經云風雨等緣所不能壞。不似火光風飄雨濕皆能滅無。今風吹不斷。雨洗還明。而云等者。餘光不奪。不似星月。日光映故。合中。下地不及卽合上餘寶不及。魔合上風煩惱合雨。

此菩薩於四攝中同事偏多。十波羅蜜中精進偏多。餘非不修。但隨力隨分。佛子。是名畧說菩薩摩訶薩。

第四談慧地。

疏餘並如前。鈔別地行中不捨衆生修道品故。同事偏多。

菩薩住此地。多作須夜摩天王。以善方便。能除衆生身見等惑。令住正見。布施愛語。利行同事。如是一切諸所作業。皆不離念佛。不離念法。不離念僧。乃至不離念具足一切種一切智智。

鈔攝報果中。破衆生身見者。自破微細見故。餘例前知。

復作是念。我當於一切衆生中爲首。爲勝。爲殊勝。爲

妙爲微妙。爲上。爲無上。乃至爲一切智智依止者。是菩薩若發勤精進。於一念頃。得入億數三昧。得見億數佛。得知億數佛神力。能動億數世界。乃至能示現億數身。一一身億數菩薩。以爲眷屬。

若以菩薩殊勝願力。自在示現。過於此數百劫千劫。乃至百千億那由他劫。不能數知。

爾時金剛藏菩薩欲重宣其義。而說頌言。

菩薩已淨第三地。次觀衆生世法界。空界識界及三界。心解悉了能趣入。

疏第三重頌。有十七頌分二。初十二頌頌位行。次

四頌位果。後一顯名結說。前中四。初一頌增長四分。

始登踐地增勢力。生如來家永不退。於佛法僧信不壞。觀法無常無有起。

觀世成壞業有生。生處涅槃剎等業。觀前後際亦觀盡。如是修行生佛家。

疏次二頌清淨分。

得是法已增慈愍。轉更勤修四念處。身受心法內外觀。世間貪愛皆除遣。

菩薩修治四勤行。惡法除滅善增長。神足根力悉善

修七覺八道亦如是。

疏三有四頌頌修行增長分。於中初二頌護煩惱爲度衆生修彼行。本願所護慈悲首。求一切智及佛土。亦念如來十種力。四無所畏不共法。殊特相好深美音。亦求妙道解脫處。及大方便修行彼。

疏後二頌護小乘。

身見爲首六十二。我及我所無量種。蘊界處等諸取著。此四地中一切離。

如來所訶煩惱行。以無義利皆除斷。智者修行清淨

業爲度衆生無不作。

菩薩勤修不懈怠。卽得十心皆具足。專求佛道無厭倦。志期受職度衆生。

恭敬尊德修行法。知恩易誨無愠暴。捨慢離諂心調柔。轉更精勤不退轉。

菩薩住此談慧地。其心清淨永不失。悟解決定善增長。疑網垢濁悉皆離。

疏四有五頌頌修行增長果。

此地菩薩人中勝。供那由他無量佛。聽聞正法亦出家。不可沮壞如真金。

撰述

華嚴經疏卷之一

三

菩薩住此具功德以智方便修行道不為衆魔心退轉譬如妙寶無能壞

住此多作談天王於法自在衆所尊普化羣生除惡見專求佛智脩善業

菩薩勤加精進力獲三昧等皆億數若以願智力所為過於此數無能知

如是菩薩第四地所行清淨微妙道功德義智共相應我為佛子已宣說

疏餘並可知 第四地竟

葉祺胤自捨刺計銀十三兩

大方廣佛華嚴經疏鈔卷第二十六之一

甲

大方廣佛華嚴經疏鈔卷第三十六之二

于闐國三藏沙門實叉難陀 譯

清涼山大華嚴寺沙門澄觀撰述

十地品第二十六之三下

疏第五難勝地所以來者畧有四義一約寄位四

五六地寄出世間前寄初果此寄羅漢義次第故雖有四果舉於始終以攝中間此依本論約所觀

行相以後六地既觀緣起寄同緣覺故但二地寄於聲聞仁王下卷瓔珞上卷約人配位以七地未

離分段故四五六七寄同聲聞二前明覺分相應

支那

華嚴經疏鈔卷三十六

一

撰述
聖嚴正金卷之二
一
慧。今辨諸諦相應慧故。三前得出世。未能順世。今能五明攝化。故次明之。四前得二十七菩提分。今辨方便所攝菩提故。此後二意。出於瑜伽。鈔仁王下。二約他經。於中有二。初雙牒二經。約人以配揀前地論。約所觀行。二以七地未斷分段故者。是賢首畧釋。七爲羅漢之由。然瑜伽攝論唯識。皆云初二三地相同世間。四五六地寄同聲聞者。正明配位。卽仁王文。經云。爾談聖覺。達地菩薩。修行順法。忍逆五見流。集無量功德。住須陀洹。第五地云。勝進達菩薩。於順道忍。以四無畏觀。那由他諦內。

道論外道論藥方工術。故我是一切智人。滅三界疑等煩惱故。集無量功德。故卽斯陀含。第六地云。常現真實。住順忍中。作中道觀。盡三界集。因集果一切煩惱盡故。乃至證阿那含。第七地云。玄達菩薩。十阿僧祇劫。修無生法樂忍。滅三界習。因業果住後身中。無量功德。皆成就。無生智盡。智五分法身皆滿足。第十地阿羅漢梵天位。釋曰。言第十者。此經通約三賢十聖爲十三位。修十三觀。故云十等。

疏言難勝者。解深密云。卽由於彼菩提分法。方便

俱述
五居正金卷之二
二
修習最極艱難。名極難勝。此從初說故。初分經云。善修菩提分法故等。攝大乘云。由真諦智與世間智更互相違。合此難合。令相應故。唯識同此。世親釋云。由此地中。知真諦智。是無分別。知世間工巧等智。是有分智。此二相違。應修令合。能合難合。令相應故。名極難勝。此通初中後。瑜伽云。今此地中。顯示菩薩於聖諦決定妙智極難可勝。名難勝地。唯約地中。莊嚴論云。於此五地有二種難。一勸化無惱難。二生不從心無惱難。此地菩薩能退二難。於難得勝。此多約地滿顯揚論云。證得極淨緣諦

所知諸微妙慧。成極難成。不住流轉。寂靜聖道。名極難勝。此大同本分。上諸經論。多舉難勝之法。未知何等無能勝耶。十住論云。功德力成。一切諸魔不能壞故。此對人顯勝。亦兼於惑煩惱魔故。上諸經論。言異意同。皆辨真俗無礙。若據實位。約仁王經。初地菩薩。四天王。卽雙照二諦平等道。今約寄位。前寄出世。此方却入。故云無礙。鈔此從初說下。二疏釋。初分經下引證。言初分者。卽勝慢對治。而是治當地。慢隨順如道。經云。佛子。菩薩住此第一地已。善修菩提分法故。善淨深心故。復轉求上

撰述
善身正金卷之二
三
勝道故隨順眞如故卽其文也。唯識同此者。上引攝論卽是本論唯識全取彼論。世親釋下。卽釋攝論於中二。先舉論能合難合下。後釋勝相。瑜伽云者。卽四十八論諸相應增上住文。莊嚴論卽第十三。彼偈云。難退有二種。能退故難勝。今疏所引卽彼論釋顯揚論當第十三。此但引於當地之文。此前論云。五難勝地。謂諸菩薩住此地中。先善脩治第四地。超一切聲聞獨覺。證得已下。疏文全同。但有人云。諸法微妙慧蘊。今畧無二字。義已足故。其十住論亦十住婆沙第一。然諸經論下。四結前指

同。若據實位下。實寄對辯。旣初地中已能雙照。豈至五地方有雙行。故知約寄。卽彼經上卷菩薩行品。

疏故此地中。斷於下乘般涅槃障者。卽前四地出世厭生歎苦樂趣涅槃。此障五地。今入眞俗無差別道。便能斷之。此斷欣厭卽是二慧。鈔故此地中下。三明斷障。先標名。卽前四地下釋意則已盡。唯識具云。五於下乘般涅槃障。謂所知障中俱生一分。令厭生歎樂趣涅槃。同於二乘厭苦欣滅。彼障五地無分別道。入五地時。便能永斷。由斯五地

撰述
聖廟正鈔卷之二
四
說斷二愚及彼龐重。一純作意背生。灰愚卽是此中厭生灰者。二純作意向涅槃。愚卽是此中樂涅槃者。釋曰。此地真如各類無別。故緣彼道名無差別。本分名身淨。我慢障。四地出世。取身淨故。由此欣滅。如前已釋。餘諸經論。言異意同。

疏由此證得類無差別真如。亦約生灰涅槃皆平等故。鈔由此證得者。四證如疏。以生灰涅槃皆平等故。成類無別。唯識釋云。謂此真如類無差別。非如眼等類有異故。此猶難見。攝論名爲相續無差別法界。世親釋云。謂於此中體無有異。非如眼

等隨諸有情相續差別。各各有異。無性意同。而梁論云。由此法界能令三世諸佛相續身不異者。衆生迷此萬類之異。諸佛證此。居然不變。中邊論云。由通達此。得十意樂平等淨心者。上約極果。此正順今。

疏其所成行。亦成二種。謂諸諦增上慧行。五明處教化行。鈔其所成行下。五行舉此二者以證淨智而達五明。成於真俗不相違故。

疏此二無礙。故得無差別法身之果。皆義旨相順。鈔此二無礙下。第六得果。無差別法身。二諦均

撰述
聖眉野金卷之二
五
故故疏結云義旨相順。

菩薩聞此勝地行於法解悟心歡喜空中雨華讚歎言善哉大士金剛藏。

疏次正釋文文亦三分初讚請分中九頌半分二初八頌半供讚後一頌請說前中三初一菩薩供讚。

自在天王與天衆聞法踊躍住虛空普放種種妙光雲供養如來喜充徧。

疏次一天王衆餘皆天女。

天諸綵女奏天樂亦以言辭歌讚佛悉以菩薩威神

故於彼聲中發是言。

疏於中三初一偈標。

佛願久遠今乃滿佛道久遠今乃得釋迦文佛至天宮利天人者久乃見。

大海久遠今始動佛光久遠今乃放衆生久遠始安樂大悲音聲久乃聞。

疏次四偈半讚於中初二偈美感應皆言久者佛應由機機難有故大海動者動佛智海竭苦海故

功德彼岸皆已到憍慢黑暗皆已滅最極清淨如虛空不染世法猶蓮華。

大牟尼尊現於世譬如須彌出巨海。

供養能盡一切苦供養必得諸佛智此應供處供無等是故歡心供養佛。

疏後二偈半讚具德初偈具智斷次半具恩後一具此三德是故應供。

如是無量諸天女發此言辭稱讚已一切恭敬喜充滿瞻仰如來默然住。

是時大士解脫月復請無畏金剛藏第五地中諸行相唯願佛子爲宣說。

疏三一偈結讚及請說並可知。

○疏第二正說分中先明位行後辨位果前中論分爲三初勝慢對治二佛子菩薩摩訶薩如實知下不住道行勝三佛子菩薩摩訶薩住此下明彼果勝初卽加行道及初住地無間道次卽正住地解脫道後卽地滿勝進道 初言勝慢者慢有二種一他地慢謂四地中得出世智取其勝相名爲勝慢今以十種淨心爲治二自地慢謂於此十心希求勝相復以爲慢以隨順如道爲治此二通名勝慢故此一分有其二道 鈔初卽加行下疏釋但屬四道不釋其名下疏目釋。

撰述
垂扇所鈔卷之二
七
疏論云勝慢對治者謂十平等深淨心者前段能治也又云同念不退轉心者後段能治也言同念者卽後總句順如與如同一念故不退轉者卽後段末句畧舉初後以該中間前地治解法慢此治身淨分別慢所治有殊不濫前地言身淨者得出世智不染身故鈔論云勝慢下此釋分名然論且云勝慢對治者謂十平等深淨心同念不退轉心故前已說解法慢對治今此地中說身淨分別慢對治釋曰上皆論文疏已分釋先正釋名具分二慢卽後等者總句經云隨順眞如故何法同如

卽十平等然十平等已是隨如何故名同由取勝相則不順如今若順如則不取勝相故爲能治前地治下對前揀濫雖與前地同皆治慢前是世間所治則劣今治出世身淨之慢則勝於前故名勝慢安得濫哉言身淨者前創出世成念處觀不染於身卽是身淨取此不染所以爲治淨無淨相慢何由生

爾時金剛藏菩薩告解脫月菩薩言佛子菩薩摩訶薩第四地所行道善圓滿已欲入第五難勝地當以十種平等清淨心趣入

疏文中二先治他地慢後佛子菩薩摩訶薩住此
下治自地慢前中三初結前舉後一徵起正顯三
結能入地。今初平等有二義。一是如理。二是因
果淨法。十聖同規。名深淨心。是此地觀解故。論云
於平等中心得清淨故。鈔名深淨心者。此句向
上成二平等。以約如法而論等。故名之爲深。以約
淨法而論等。故名之爲淨。故云深淨心也。二者向
下則成此地觀解之心。則五字分二。平等二字是
淨所依。其深淨心是能依心故。次引論云。於平等
中心得清淨。言深淨心卽是論經。今經但云清淨

心耳。

疏此復何異。後地觀察十平等法。此有二異。一此
地治前於淨起慢故。偏明淨法平等。後地對此依
眞入俗。通觀染淨諸法皆悉平等。二此約舉等理
以顯心淨。後地舉觀察以入等理。三此通理事二
等。後地一向約理。融二諦故。此皆地背相捨。後漸
勝故。鈔此有三下答。一所治通局。通染則勝。二
能所前後。若舉所等以成能等。此心猶淺。若舉能
觀以入所觀。此觀則深。三能治通局。一向局理。六
地則深。故疏結云。此皆地地背相捨離。以勝捨劣。

又上三義亦皆相成由初所治局故能治則通事理皆等何獨身淨由所治通能治則局一理平等無染淨故淨慢未除以等成觀此五地中已成等觀後六地中以觀入理則以初後成於中間。

何等爲十所謂於過去佛法平等清淨心未來佛法平等清淨心現在佛法平等清淨心戒平等清淨心平等清淨心除見疑悔平等清淨心道非道智平等清淨心修行智見平等清淨心於一切菩提分法上上觀察平等清淨心教化一切衆生平等清淨心疏二正顯中十心分二初二明諸佛法論云謂三

世力等者卽果位十力等也。鈔卽果位者此一等字等餘果法謂四無所畏十八不共三身四智等。非釋平等平等淨心前已總釋。

疏後七明隨順諸佛法。二利因行順成果故於中前六自利後一利他前中含爲三學。初戒次定餘四慧故離爲七淨。一戒淨。二定淨。三見淨。四度疑淨。見疑相顯經合一句。爲成十故。五道非道淨。此前五淨大小名同。小乘六名行淨。七行斷淨。以彼宗中趣盡滅故。今大乘六名行斷。經云修行智見畧無斷字。七名思量菩提分法上上淨。以依行斷

起勝求故。鈔前中等者釋前六中二門分別。一約行牒屬經文云何見疑二淨相顯此二同是根本六種煩惱之中二故戒取依於六上開出又執爲道相微難見別爲一句。

疏若約位者初二在見道前以創背凡過宜以戒防欲生真慧理須習定然夫合理判屬世間次三在見道以見道中斷身見故斷疑故斷戒取故戒取是非道知無漏慧是正道入見道時十使俱斷偏言三者涅槃經說此三重故又十使中五見及疑但障見道餘四通於見修故畧不言就其六中

三本三隨偏語其本邊見隨身見邪見隨疑見取隨戒取故斷三結三隨亦斷但立三淨上五大小並同小乘行淨在修道起斷行故行斷在無學道依行證斷故大乘後二皆在修道斷障成德故有二也行實同時鈔欲生真慧者卽出世見道慧也次三在見道等者疏釋此三而文有三一正釋二入見道下徵問三涅槃下引答問中言十使俱斷者開之成八十八使答有二意一引涅槃以約重故涅槃三十三因釋觀方迦葉問云如來說須陀洹斷煩惱如四十里水云何言斷三結一我見

二非因見因。三疑網。佛答云。此三重故。亦攝須陀洹人。一切所斷結。故譬如王出。雖有四兵。但言王出。又云。此三何緣。獨得各重。一切衆生。常所起故。微難識故。難可斷故。能爲一切煩惱。因故。是三對治之怨敵。故謂戒定慧。又衆生聞斷。多則退轉。故但說三。又十使下。二約具修所斷。分別餘四等者。謂貪瞋慢無明。見道之中。四障見道。亦皆已斷。有障修者。不與斷名。故畧不言。三本三隨者。隨者是未身見。卽我。我於過去。爲有爲無。故名常見。我於未來。爲作無作。則起斷見。故說邊見。隨於身見。言

邪見者。撥無因果。以於諦理。猶豫不決。遂撥爲無。故說邪見。隨於疑網。既非因計。因必取爲實。故見取隨於戒。取根本。旣斷。枝條自亾。又言隨者。三本名轉。如手轉輪。三隨名隨。如輪隨手。上五大小並同者。結前五淨。生後二淨。二淨大小開合。不同在位。亦別於中。有二。先約小乘。後約大乘。於大乘中。先行後位。約行同時。義分斷障。斷卽行淨。成德卽菩提分法。上上淨。

疏若約位分。七地已還。爲行斷。修道斷。結故。八地已上。入法流中。順菩提故。名思量上。上餘文易了。

鈔若約位下。二約位辨即增微分別。七地已還雖亦進行斷障義增。八地已上非不斷障。進行多故是以二位各得一名。

菩薩摩訶薩以此十種平等清淨心得入菩薩第五地。

佛子。菩薩摩訶薩住此第五地已。

疏第二明如道行。又順經意前明入心從此已下皆明住心。鈔又順經意下以不依論但順三心此之半分及後二分皆是住心攝於三位。此隨如道攝第五住。

疏應分爲三。此攝方便具足住修行十心是方便義不退轉者即是住義。二不住道行勝攝離癡亂。行智清淨等無癡亂故。三彼果勝攝無盡功德藏。迴向攝德無盡故。鈔智清淨者即下經文十重觀察四諦法門名智清淨。正是無癡知第一義。如實而知即無亂義而言等者。等取利益衆生勤方便勝皆無癡義與彼行中釋於無癡義甚相順。攝德無盡者下有四果第一即名攝功德果。下三皆是功德果故。

疏今且順論此明如道行於中三初標分位爲顯

撰述
華嚴經金卷之二
隨如已入五地。次以善下。總顯後願力下。別明以善修菩提分法。故善淨深心。故復轉求上勝道。故隨順真如故。

疏二總顯中。四句皆是正修諸行。故總名順如。謂前二句爲所治。卽四地修菩提分。以前十心能善清淨。得入五地。於此淨心。希求勝相。卽復是慢慢在文外。故以後二句而爲能治。初句轉求不住道。行勝爲能治。謂不住淨心而起諸行。卽治住淨慢。故後句雖起諸行。不退失前平等深淨之心。則能隨順真如。平等卽如故。鈔總中四句者。問四中

初一是四地行。何言皆是正修行耶。又後經云。入五地已。善修菩提分耶。答有二意。一能治之行。必因所治展轉相由。皆是修行。二者四地道品。取其淨相。以十淨心而能治之。卽入五地。入五地已。菩提分法。不取淨相而非不行。不取而行。方能善修。故後十淨。雖是所治。隨如道時。亦不捨前十淨心也。若遠公云。皆正修行。是論通難。恐有難云。若此如道。取前淨心。淨心復取四地覺分。亦應覺分由三地生。何不取耶。故此答云。此四卽是四地已上。皆正修行。三地既是世間之法。故不言耳。亦是一

撰述
華嚴疏鈔卷之二
十四
理後句雖起者。卽經隨順眞如論云。隨順如道行者。彼平等中深淨心不退轉。現成就故。隨彼平等清淨法住。釋曰。不退轉心卽此隨如。末句意云。既以前句治於深心。取淨相竟。今以不取深淨之心。隨至不退轉行。常於平等中住。爲順如道。故疏云。雖起諸行。不退失前平等深淨之心。次論結云。菩薩如是深心安住。名爲順隨如道。故疏云。則能隨順眞如。正是取此論文也。言平等卽如者。會論就經。經云。隨如論取平等云。何是同。故云平等卽如。如前已釋。問論云。深心安住。何異前隨彼平等清

淨法住。答前唯住平等。故疏云。不失平等。今言深心。則行順如。爲深心住。

願力所持故。於一切衆生慈愍不捨故。積集福智助道故。精勤修習不息故。出生善巧方便故。觀察照明上上地故。受如來護念故。念智力所持故。得不退轉心。

疏後別明中顯上隨如之行。有其八種。經有九句。前七各一。後二爲一。八中前二是起行心。一自利願卽修菩提心。二利他慈卽不疲倦心。後六是行。謂三得善根力。四不捨衆行。五善巧修行。六無厭

撰述
華嚴所鈔卷之二
足故。照明上上。七得他勝力。八自得勝力。此有二句。初句具三慧。念是聞思。智即修慧。後句勝進究竟。上六行中。前三自分。後三勝進。各有初中後思之。鈔後別明者。問八皆事行。何名如行。答有二意。一此助顯真如觀故。二如中起行。俱無所著。方顯隨如。別行可知。但第七句念智力所持。故疏順經釋。論經云。得念意與智力故。即以意爲思慧。遠公云。念是聞慧。念持教故。意是思慧。伺求思義故。智是修慧。以能離障上勝進故。此之三句。同名智力。今經無意與言。故以念當二慧。智當於修。

佛子。此菩薩摩訶薩。如實知。此是苦聖諦。此是苦集聖諦。此是苦滅聖諦。此是苦滅道聖諦。

疏第二不住道行勝有二種觀。一所知法中智清淨勝。二佛子至得如是諸諦下。利益衆生勤方便勝。初即自利。護煩惱行。故不住世間。後即利他。護小乘行。不住涅槃。同時相導。名不住道。今初智勝分二。先明四諦實法分別。後善知俗下。復就此四明十觀門化生差別。此乃十種觀於四諦。非謂觀十四諦也。故瑜伽住品云。此地於四聖諦。由十行相。如實了知。今初言實法者。有佛無佛。苦集二

諦體是妄想雜染因果滅道二諦體是出世清淨因果此約諦實義釋若約審諦釋者前一無佛不能知此是苦是集寧有後二滅道果因餘如本品鈔一所知者諦是所知之法智於其中照見離垢故名清淨慈悲攝物各利益衆生無惰稱勤善巧爲方便故瑜伽者卽四十八論云如是菩薩住此住中多分希求智殊勝性於四聖諦由十行相如實了知言實法者然有二義一約真實名實已如疏文二約對下十門隨機異名故名實法。

○疏後十觀中畧啓四門一制立謂四諦義舍法界。

菩薩窮照無遺隨智異說難窮畧舉十明無盡然十皆菩薩自智智相難明故論約化生以明其異以此通名所知法中智清淨也。

疏二明開合此十總唯一化生分別若隨所化大小分二前九化小後一化大故若隨化所起則分爲三前五生解次四起行後一令證故約人不同離以爲七初爲根未熟乃至七爲大乘可化故至文當知鈔二明開合者疏文有四初一是一後三是開一約所化法分別二約所益分別三約化類分別。

疏三對實法以明通別。此十望前四諦前五通觀四諦。謂一世俗者。觀四諦法相。二觀其性空。三通觀性相無礙。四觀性相各異。五觀此四緣起集成。次四別觀四諦。謂六七八九。如次觀苦集滅道。後一但觀滅道。菩薩地因證佛智故。遠公後五亦通觀四諦。謂迷於四諦故。爲苦集悟其四諦故。成滅道。後一窮四諦緣起實性清淨法界。成大乘道。亦有此理。鈔三對實法者。六七八九此四唯別。但各一故。第十門望前五門則名爲別。但觀滅道之。二諦故。望六至九唯觀一諦。則亦名通。遠公後五

者何名通別。所觀通四。所成唯一。亦得稱別。

善知俗諦。善知第一義諦。善知相諦。善知差別諦。善知成立諦。善知事諦。善知生諦。善知盡無生諦。善知入道智諦。善知一切菩薩地次第成就諦。乃至善知如來智成就諦。

疏四正釋文。文分爲二。初列十名。

此菩薩隨衆生心樂令歡喜。故知俗諦。通達一實相。故知第一義諦。覺法自相共相。故知相諦。了諸法分位差別。故知差別諦。善分別蘊界處。故知成立諦。覺身心苦惱。故知事諦。覺諸趣生相續。故知生諦。一切

撰述
華嚴疏鈔卷之二
六
熱惱畢竟滅故知盡無生智諦。出生無二故知入道智諦。正覺一切行相故善知一切菩薩地。次第相續成就。乃至如來智成就諦。以信解智力知。非以究竟智力知。

疏後此菩薩下。次第解釋。於中畧爲二。初一依瑜伽。二依本論。今初瑜伽十句不顯文詞而畧所說義。闕其第十知菩薩地。而亦有十句。文有三節。初三名爲此說。謂是所爲故。一依曉悟他故。知俗諦。二依自內智知第一義。三依俱處所故。知相諦。謂自相是俗。共相是真。二體不分。故名俱處。次今經

兩句。彼應有三。各由此說。謂由三藏教之所說。故云依於契經調伏本母。各由此說。經中分位差別。應是調伏。知蘊界處義。當本母。此中第十義當契經。三有四句。各如此說。謂如四諦相各別知故。卽依於現在衆苦自性。故知事諦。依於未來苦生因性。依於因盡彼盡無生性。依於修習彼斷方便性。如次可知。鈔今初瑜伽者。卽上住品論云。一切文詞。如契經說。但取經義。其所立義。似今論釋。但有小異。故別出之。文有三節者。彼先具列三節之名。一爲此說。二由此說。三如此說。下疏具辯。如

次可知者。如苦集滅道四諦次第。卽是今經六七八九。

疏二依本論者。攝十爲七。初一爲根未熟衆生。謂未堪入大。爲說四諦十六行等。名知世諦。卽四重二諦中第三重內俗也。不同瑜伽通於大小及根生熟。鈔爲說四諦等者。謂苦下有四。卽苦空無常無我。集下有四。集因生緣滅下有四。滅靜妙離道亦有四。道如行出。故是俗諦。卽四重者。一假實二諦。二事理二諦。三四諦勝義二諦。四安立非安立二諦。廣如玄中。今是第三重中俗者。以四諦

爲俗故。遠公亦說三種二諦。一就相分別。情想之有名爲世諦。無相之空名第一義。二相實相對。妄想之法情有理無。名爲世諦。卽此經中空如來藏真實之法相寂體。有名第一義。卽不空如來藏也。三就實分別。不空藏中。體名真諦。用名世諦。今諸諦第一。就第二門。似非得意。不同等者。瑜伽但云依曉悟他。是以通也。

疏二爲根熟堪入大故。爲說法空第一義諦。鈔爲說法空等者。卽四重中第三重內勝義與空前第一四諦之俗。共爲第二重二諦也。

撰述
專屬疏鈔卷之二
三
疏三爲疑惑衆生故知相諦謂有聞第一義諦猶豫不決若是空耶則無因果。若是有耶云何言空。今明卽俗自相是空。共相俱處無違。故名相諦。四爲謬解迷惑深法衆生故知差別。謂前緣二境故名爲疑。今聞俱處便謂是一。名爲謬解。今明體雖不異性相分位歷然差別。鈔三之與四明上二諦非一異義。三卽非異。四卽非一。又三卽二而不二。經云覺自共相。論云俱處。四卽不二而二。論疑是一。由不二故。經了差別。由而二故。又四卽於諦常自二。三卽於解常自一。

疏五爲離正念衆生故知成立諦。謂旣聞差別。謂皆有體。名離正念。今明差別。但是緣成。無有自性。故云成立。隨言顯示。故論經名說成諦。鈔五卽總了二諦緣起相性。卽仁王云通達此無二。眞入第一義。

疏六爲正見衆生知事等四諦。由無前疑執。故名正見。可令知苦斷集證滅修道。事卽苦諦。生卽集。因無生是滅。因亾曰盡。卽盡智也。後果不起。名爲無生。卽無生智也。若小乘說現在惑亾。說名爲盡。利根之人。保彼煩惱當更不起。名曰無生。此盡無

生是其滅體。無學之智。如是而知。意在取滅。故爲滅諦。道言無二者。論下重釋云一行故。謂稱滅而知。故云一行。前列實法四諦。明其所觀。此中四諦。明當如是觀。鈔六爲正見者。前中三疑。四謬。五離正念。並非正見。今無此非。方爲正見。故可明示四諦差別。則不隨事執。不謂空無。可令知苦斷集。證滅修道矣。事謂苦事。所有受皆苦故。集能生苦。無學之智者。是釋經智字。爲答外問。滅是滅理。何得言智。故此釋云。意在取滅。道言無二者。畧牒經文。且云。出生無二故。論經云。起不二行故。旣稱滅。

智。故不生二行。前列實法下。應有問言。此之四諦。與前實法俱列。四諦有何別耶。答意可知。若準遠公。上釋則前實法四門各別。今則一一皆迷。前四故有不同。亦是一理。

疏七爲大乘可化衆生。故知菩薩地。乃至如來智諦。謂先住大乘。化令進故。言正覺一切相者。大乘要須於五明處善巧。知故。菩薩地是因。言次第相續者。如從初地入二地。乃至十地。入佛地。大果也。以信解等者。爲釋外疑。六地已上。乃至佛智。未曾證入。彼云何知。故此釋云。信解鏡像。觀智力知。非

成就智鏡像卽影像觀。未得本質故。鈔未得本質者。本質有二。一約未證佛智則佛智爲本質。二既未證於如來之智。於一切智所知之法。既是本質。亦影像知。一切所證。未親證故。

佛子。此菩薩摩訶薩得如是諸諦智已。

疏第二利益衆生勤方便中。二先總起悲觀。二佛子下別起悲觀。總中三。初結前次。如實下觀過。後菩薩下起悲。鈔第二利益者。既爲利益。觀有爲等。何偏明悲對上觀諦智清淨故。其中雖有諸行。悲爲主故。

如實知一切有爲法。虛妄詐僞。誑惑愚夫。

疏觀過中。先明非真。後誑惑下對人彰過。今初虛妄二字。觀內五蘊。謂妄想常等。不相似無故。虛此明所取非真。理無不同情有。故云不相似無也。常作我想慢事故妄。此辨能取不實非有。計有常樂我淨。皆名我想。非唯我見。我爲本故。獨云我想也。鈔虛妄二字者。是疏標舉。謂妄想下論釋。從此明下疏釋論。常作我想慢事故妄者。論釋。從此辯下疏釋。

疏詐僞二字。觀外六塵。世法牽取愚夫故詐。此顯

能取迷真。謂由妄取。令彼世法隱虛。詐實。使其貪取也。世法盡壞。故偽。此明所取不實。世法相似相續。似有義利。而實速滅。無利。故偽。鈔詐偽二字。是疏標舉。世法牽取。愚夫故詐。是論。此顯下疏釋論。其世法盡壞。故偽。是論。此明下疏釋論。疏後對人彰過者。上虛偽二境。引心。總名爲誑。妄詐二心。迷境。皆名爲惑。鈔上虛偽二境者。虛是內境。偽是外境。皆能引心。合皆名誑。妄是內心。詐是外心。皆能迷境。故合名惑。疏論云。常等相無。非有似有。故虛事中。意正取者。

此解虛是誑義。謂令意正取。故是誑也。又云。我想慢事。正取故。妄事是患。此解妄是惑義。世法盡利。故誑事。牽心。此解偽是誑義。世法愚癡。凡夫牽取。故詐事。相現。此解詐是惑義。鈔論云。常等下。向來疏文。合於二境。二心。以配誑惑。論中。內外能所。別明。先明於內。先所取。後能取。後世法盡利。下。明外能所。亦先明所取。後明能取。細尋易了。疏愚夫。卽是依彼正取。我慢之人。鈔愚夫等者。上釋誑惑。下釋愚夫。前有兩對。今雖就前五蘊能。所以明愚夫。五陰是人也。

菩薩爾時於諸衆生轉增大悲。生大慈光明。

疏三起慈悲者。憐愍故悲。勝利益故慈。不住道行。勝故云轉增。皆言大者。勝前地故。云光明者。救生方便智成故。轉增光明。俱通慈悲。文有影畧。轉前慈愍。分同諸佛。故名爲生。

佛子。此菩薩摩訶薩。得如是智力。不捨一切衆生。常求佛智。

疏第二別起悲觀中。二。先明化生願。二如實觀下。明化他心。今初。先牒前得是智力。近牒觀有爲。遠牒觀諸諦。不捨衆生。牒前慈悲。後常求佛智。正明

起願。願救衆生義故。鈔第二別起悲觀。正明起願者。經云求佛智。而云救生。正同三地。欲求衆生。不離佛智。

如實觀一切有爲行前際後際。

疏二化心中。二。先明大悲觀。後佛子菩薩摩訶薩。復作是念。此諸衆生下。明大慈觀。前中悲有二相。一如實觀苦。因緣集故。卽知苦體性。二佛子至復作是念。此諸凡夫下。觀深重苦。久而多故。卽就人彰過。前中四。初總標二際。二知從下順觀二際。三虛妄下。逆觀二際。四若有下。結如實知。今初前

撰述

華嚴疏鈔卷之二

三

卽過去後卽未來顯無始終流轉相故。

知從前際無明有愛故生生滅流轉於諸蘊宅不能動出增長苦聚。

疏二順觀中二先明前際後如前下類顯後際前中復二先顯緣集苦聚後無我下顯二空無我。

今初無明有愛顯流轉因能發能潤此以爲本故生卽是果故涅槃云生滅本際凡有二種一者無明二者有愛是二中間有生老滅今菩薩觀此而起大悲亦同淨名從癡有愛卽我病生矣然生果有三一欲求衆生故流轉生滅欲貪卽是受身本

故二妄梵行求衆生故於蘊宅不能動出外道計

我常住其中故三有求衆生故增長苦聚二有皆

苦故 鈔今初文者義至於此從故生下皆屬果

攝若取經句應至故生以爲句終。

無我無壽者無養育者無更數取後起身者離我所。如前際後際亦如是皆無所有。

疏後顯空無我及類顯後際並顯可知。

虛妄貪著斷盡出離。

疏三逆觀中順卽苦集逆卽道滅虛妄斷盡卽是滅也出離是道。

若有若無皆如實知。

疏四結如實知。卽雙結二際逆順有無三義。一約凡夫。但有苦集而無滅道。二約菩薩。順有逆無。三雙約凡聖。眞滅本有道亦符之。妄苦本空。集亦同爾。凡夫迷故不覺不知。菩薩正了。名知如實。

佛子。此菩薩摩訶薩復作是念。此諸凡夫愚癡無智。甚爲可愍。有無數身。已滅今滅當滅。

疏第二觀深重苦者。無始隨逐故深。種種苦事故。重文中。二初總標可愍。不知本空。故名愚癡。不知厭離。故云無智。亦可俱通。故爲可愍。二有無數下。

釋可愍所由。由迷二苦故。初明深苦不知。故爲可愍。

如是盡滅。不能於身而生厭想。

疏後如是盡下。明重苦不知。故爲可愍。於中。二初牒前訶後。鈔初牒前訶後者。牒前深苦。訶後重苦。

轉更增長機關苦事。隨生夾流。不能還返。於諸蘊宅。不求出離。

疏二轉更下。正明重苦。於中。三初觀生苦。機關苦事。卽是生苦。言機關者。顯無我故。抽之則動。息手

便無若造業因。生生不息。隨生歿下。明有集愛。於諸蘊下。明離滅道。鈔機關苦事者。遠公釋云。客物動處。名之爲機。於中轉者。說以爲關。因名爲機。苦果隨轉。說之爲關。今疏意亦爾。不別配二字。

不知憂畏。四大毒蛇。不能拔出。諸慢見箭。不能息滅。貪恚癡火。不能破壞。無明黑暗。不能乾竭。愛欲大海。不求十力大聖導師。入魔意稠林。

疏二不知下。觀老病歿四大毒蛇。是不知病苦。不能拔下。明具彼集。文有四句。一妄梵行求衆生。不能拔出。諸慢見箭。外道多起故。二欲求衆生受欲

者。不能息三毒火。三欲求衆生行惡行者。不破無明。以見少利。行大惡行。後受大苦。故云黑暗。四有求衆生不竭。愛欲大海。三有之愛。廣無邊。故觀如實中說。彼三求以爲苦果。今爲集者。三求皆能爲集。因而受果故。二文互舉。次不求十力大聖導師。明遠彼滅。不向滅者故。入魔意下。明遠彼道。順寬道故。鈔二欲求者。欲求開二。一縱情五欲。不懼當報。是造惡行者。二但耽五欲。未必造惡。今是此人。順境生貪。違則生瞋。癡迷上二。不言習善行者。善行多在有求之中。亦以過輕。故畧不說。亦得舍

在受欲之中。觀如實下。對前料揀。明遠彼滅者。故論云。趣無畏處。不求十力大聖導師。意云。欲趣無畏之滅。不求證滅之者耳。順怨道者。煩惱結使。名為稠林。是魔所行。故名怨道。既趣怨道。卽遠真道。於生灰海中。爲覺觀波濤之所漂溺。

疏三於生灰下。總結過患。舉生灰海。總顯於苦。覺觀波下。總明有集。此中兼顯灰苦之義。畧不明老。鈔畧不明老者。上依論觀生老病灰。生苦在初。病可卒加。通於老少。故經明之。今生灰言。卽兼灰苦。老言不顯。故云畧無亦合有也。

佛子。此菩薩摩訶薩。復作是念。此諸衆生。受如是苦。孤窮困迫。無救無依。無洲無舍。無導無目。無明覆翳。黑暗纏裹。

疏二大慈觀中二。初觀境興慈。後佛子下。廣願饒益。前中二。先觀境。後我今下興慈。今初卽觀前衆生受深重苦。以爲慈境。文中先總。無救下別。總中無父曰孤。明前無所恃。塗盡曰窮。明後無所依。任重無替曰困。常受生灰故。強力所逼曰迫。業惑所陵故。鈔總中無父者。下別之中。經有八事。具釋四字。前之四事。明其有苦。後之四事。明其有惡。

各用二事。釋前之一。

疏後別中無救無依。釋上孤義。論云。謂現報已受。不可救脫。當報因招。無善爲依。次無洲無舍。釋上窮義。溺於覺觀波濤。不聞正法。智洲爲對治故。在於生處曠野。不爲善友慈舍庇故。次無導無目。釋上困義。離於寂靜正念。思惟究竟前導。故離於正見之明目故。既無導無目。非因如何。次無明下。釋上迫義。無明者。無明住地。舊煩惱故。黑暗者。四住客塵故。常起邪念故。爲其覆翳。不聞正法。故爲彼纏裹。鈔常起邪念者。依無明住地。起妄想心。名

爲邪念。流注相續。故曰常起。不同四住善惡間生。不聞正法者。四住之惑。客有善間。間則不纏。不聞善間。故爲纏裹。

我今爲彼一切衆生。修行福智助道之法。獨一發心。不求伴侶。以是功德。令諸衆生。畢竟清淨。乃至獲得如來十力。無礙智慧。

疏二興慈中獨拔修善。令物得菩提涅槃之樂。

鈔二興慈中經有三節。一爲物修因。二獨一下。孤標大志。三以是下。以善益物。初令淨障爲涅槃因。及畢竟清淨亦涅槃果。後乃至下。疏總釋義亦已。

周圓。

佛子。此菩薩摩訶薩。以如是智慧觀察所修善根。皆爲救護一切衆生利益。一切衆生安樂。一切衆生哀愍。一切衆生成就。一切衆生解脫。一切衆生攝受。一切衆生令一切衆生離諸苦惱。令一切衆生普得清淨。令一切衆生悉皆調伏。令一切衆生入般涅槃。

疏第二廣願饒益。亦彰慈所爲。文中二先牒前總明。上來修善皆爲救護。卽是慈相。鈔先牒前者畧舉修善實則兼前智慧觀察。見生有苦有惡。無治無救。故修善根而爲饒益。皆慈相也。以善智慧

能饒益故。

疏後利益下。別顯救護有十種相。前二爲救未來。後八通於現未。一住不善衆生。令住善法利益。二住善法衆生。令得安樂果。謂成彼善故。三愍貧乏者。與資生具。四修行多障者。令其成就。上二救順緣不足苦。五世間繫閉者。令得解脫。下有五種。令諸外道信解正法。謂六未信攝。令正信。七令離無利勤苦。八疑惑衆生。疑除解淨。九已住決定。勤修三學。以調三業。十已住三學。令得涅槃。上三卽解行證。論意皆爲外道。理實後三兼通餘類。上來不

住道行勝竟。鈔前二爲救者。令住善因。得於樂果。屬未來故。卽利樂義。頗見上文。上句未住。令住。下句先住。微善後令增長。故得樂果。亦是上令捨惡。後令增善。下有五種者。前五世樂。下五出世。一起信。二去邪。三正解。四起行。五得果。

佛子。菩薩摩訶薩住此第五難勝地。名爲念者。不忘諸法。故名爲智者。能善決了。故名爲有趣者。知經意趣。次第連合故。

疏自下大文第三明彼果勝。卽不住道行勝之果。有四勝果。一攝功德勝。二名爲無厭足。下修行勝。

三佛子。菩薩摩訶薩如是勤修下。教化衆生勝。四佛子。菩薩摩訶薩爲利益下。起隨順世間智勝。四初中。初二自利。卽所知法中智清淨果。初自分。後勝進。後二卽利他。勤方便果。前化他行。後化他智。鈔有四勝果。下文二先指文列名。後四中下釋其差別。前列名中。一攝功德勝者。聞等功德。修成名攝。二修行勝者。勝進所行。善修習故。三四利他。三利他行。四利他智。

疏今初攝功德中十句。初二攝聞勝。然有二義。一卽三慧。如次配聞思修。二顯二持。念卽聞持。智及

有趣卽是義持。義有多種。畧說二種善巧。謂智卽法智勝。有趣卽義智勝。然二釋皆聞在初。故論名攝聞勝。

名爲慚愧者。自護護他故。名爲堅固者。不捨戒行故。疏次二攝戒勝。一忍辱柔勝。卽戒因成也。謂內懷慚愧。不誑幽明。自護七支。不招譏毀。故能持戒。二戒無軟勝。卽戒體成也。乃至命難。不捨戒故。鈔一忍辱者。能忍他惱。名爲忍辱。能將護他。說爲柔。和。以柔忍故。緣不能動。二皆拒惡。故名爲愧。唯崇戒善。故稱爲慚。謂內懷下。釋慚愧相。慚者羞天。

故不誑幽。愧者羞人。故不誑明。不招譏毀。卽是護他。乃至命難者。釋堅固言。鷲珠草繫。卽命難也。名爲覺者。能觀是處非處故。名爲隨智者。不隨於他故。名爲隨慧者。善知義非義句差別故。名爲神通者。善修禪定故。名爲方便善巧者。能隨世行故。

疏後五攝智勝。一者因緣集智。此知法相智。無因倒因。名爲非處。正因緣集。名之爲處。知處治於非處。故名覺者。二者證智。知魔事對治。隨識分別。皆魔事故。三知妄說智。異說對治。卽知教智。正說爲義句。邪說爲非義句。邪正交雜。揀邪得正。名善分。

撰述
聖嚴師金卷之二
三
別四神力起用智。依定起通。治邪依故。五化衆生智。折伏攝受。隨世宜故。上五中前三自利。後二利他。

名爲無厭足者。善集福德故。名爲不休息者。常求智慧故。名爲不疲倦者。集大慈悲故。名爲爲他勤修者。欲令一切衆生入涅槃故。

疏第二修行勝。有十一句。前四自分。一增長因行。集五度福故。二依止因行。慧爲所依故。此自利福智對。三化生不疲行。四令物證滅行。此二利他因果對。鈔一增長者。福能生智。故名爲因。二依止

因行。依慧生福。名依止因。

名爲勤求不懈者。求如來力無畏不共法故。名爲發意能行者。成就莊嚴佛土故。名爲勤修種種善業者。能具足相好故。名爲常勤修習者。求莊嚴佛身語意故。名爲大尊重恭敬法者。於一切菩薩法師處如教而行故。名爲心無障礙者。以大方便常行世間故。名爲日夜遠離餘心者。常樂教化一切衆生故。

疏後七勝進。五起佛法行。六起淨土行。此依正一對。七依佛法身起行。相好法身故。八依佛所作起行。顯三密用故。此二外相內密對。上四皆起菩提

九敬重法行。進依勝已故。上五自利。後二利他。十願取有行。十一離小乘行。卽顯是揀非對。鈔六起淨土行者。論重釋云。云何莊嚴無煩惱染。得堅固智慧。衆生住在其中。及佛法莊嚴故者。意云。淨土有二種淨。一相淨。七珍嚴等。易故不明。二住處衆生淨。三法門流布淨。後二難故。論重出之。旣發意能成。卽具三淨之因。廣如初地淨土願中。七依佛法身者。依彼相好起行求故。下依義皆然。九敬重法行者。上來行德依法成故。

佛子。菩薩摩訶薩如是勤修行時。以布施教化衆生。

以愛語利行同事教化衆生。

疏第三教化衆生勝中二。初正明化生。後佛子下結行成益。今初分二。初總以四攝攝生。

示現色身教化衆生。演說諸法教化衆生。開示菩薩行教化衆生。顯示如來大威力教化衆生。示生歿過患教化衆生。稱讚如來智慧利益教化衆生。現大神通力教化衆生。以種種方便行教化衆生。

疏後示現色身下。別明四攝。文有八句。一示色身是同事攝。隨順衆生。應化自衆故。鈔應化自衆者。隨彼衆類。以身同故。卽八地中身同事也。

疏二演說法。卽愛語攝。諦語法語爲愛語性。一切種愛語中。多約開演。論云爲疑惑衆生。卽一切門中之語也。鈔一切種者。一切愛語皆有二種。一慰喻愛語。二慶悅愛語。三勝益愛語。

疏三開示下。皆利行攝。此句爲於菩提無方便衆生。示菩薩行。卽利行自性。四於大乘疲倦衆生。示佛威力。卽一切利行。未成令成。故五爲樂世間衆生。著財位。故示其過患。明位大憂。大財多禍。多六爲不信大乘。先未行勝善。讚如來智。七爲無智外道。示以神通。上三卽難行利行。八總顯一切門。一

切種利行。故云種種方便。鈔三皆開示因果之益。卽利行自性者。卽九門之一。唯有一也。卽一切利行者。一切亦三。此是其一。言有二。一現法利行。二後法利行。三現法後法利行。以勸離欲。令成就。故上三卽難行者。難行唯三。八總顯一切門者。一切門有四。一不信。令信。二犯戒。令戒滿。三惡慧。令慧滿。四慳恡。令捨滿。言一切種者。或六或七。如淨行品。然利行者。示其所學。約令行邊。卽是利行。約其示邊。卽是愛語。如瑜伽者。卽指其源。瑜伽九門淨行品已引。

撰述
疏然利行愛語亦可參用。由彼愛語示其所學。卽爲利行故。次下廣明布施。故別中畧無四攝廣義。如瑜伽四十二辨。

佛子。此菩薩摩訶薩能如是勤方便教化衆生。心恒相續。趣佛智慧。所作善根無有退轉。常勤修學殊勝行法。

疏第二結行成益中。初結前。心恒下。成益趣佛智者。爲化衆生。更求勝力。餘文已作不退。未作增修。鈔第二結行成益者。亦名勝進行也。

佛子。此菩薩摩訶薩爲利益衆生故。世間技藝靡不

諒習。

疏第四隨順世智勝者。明染障對治。染卽煩惱障。卽所知。鈔第四隨順世智勝者。明染卽煩惱是。第五內明爲治。障卽所知是。前四明爲治。

疏文分爲三。初總標多門。二所謂下。別示其相。三及餘下。總結成益。

所謂文字算數。

疏二中顯五明相。故大般若云。五地菩薩學五明。故卽分爲五。一文字算數是其聲明。通治儒智障。言文字者。各句文身。卽聲論中法施設建立故。

撰述
華嚴疏鈔卷之二
算數卽數建立故。又治取與生疑障。鈔然瑜伽
十三中列五次。第一內明。第二醫方明。第三因明。第四
聲明。第五工巧明。今染在前。正順彼論。算數建立者。
第十五中說聲明論云。云何聲明。當知此處畧有
六相。一法施設建立相。二義施設建立相。三補特
伽羅施設建立相。四時施設建立相。五數施設建
立相。六處所根栽施設建立相。一法施設建立相
者。謂名。句。文。身。及。五。德。相。應。聲。一。不。鄙。陋。二。不。輕
易。三。雄。朗。四。相。應。五。義。善。第。二。義。施設建立畧有
十種。一。根建立。謂見聞等。二。大種建立。謂依持洗

潤等。三。業建立。謂往來宣說思念等。四。尋求建立。
謂追訪等。五。非法建立。謂殺盜等。六。法建立。謂施
戒等。七。興盛建立。謂證得喜悅等。八。衰損建立。謂
破壞怖畏等。九。受用建立。謂飲食覆障等。十。守護
建立。謂育養盛滿等。三。補特伽羅施設建立。謂男
女聲相差別。四。時施設建立者。謂過現未來三時
聲相差別等。五。數施設建立。謂三數聲相差別。一
者一數。二者二數。三者多數。六。處所根栽施設建
立者。畧有五相。一。相續。二。名彌。三。總畧。四。彼益。五。
宣說。若頌等名爲根栽。如是二種。總名處所根栽。

建立釋曰。今當第五。又數以記數。莫以記位。謂一縱十橫等。瑜伽中意畧已具矣。

圖書印璽。地水火風種種諸論。咸所通達。

疏二圖書至咸通達。卽當因明。咸通達者。正是明義。種種論者。言論尚論。諍論。毀謗論。順正論。教道論等。類非一故。地水火風卽是諍論中攝。謂諸邪見計不同。故順世外道。唯地爲因。一切皆以微塵成故。水風二仙外道。以風水爲因。世界水成故。風輪持故。事火外道。以火爲因。火成熟故。鈔咸通達者。釋總名也。種種諸論者。卽七例中論體也。七

例如初地疏鈔具引。卽六論爲體等。卽等上亦等其類。六中隨一容有多故。地水火下。畧示六論之二。於一諍論自有其四。

疏圖書印璽卽尚論。隨世所聞故。又此圖書亦正教量。卽治所用事中忘障。論云。取與寄付卽事中障。聞法思義解中障。作不作已作未作。應作不應作。皆業中障。印璽亦是現量。又治所取物不守護障。璽卽玉印。鈔圖書印下。卽六中之第二論也。隨世所聞。卽釋尚義。出所宗尚故。又此圖書下。重釋。卽因明中論所據也。所據有十。謂所成立有二。

撰述
雜論取錄卷之二
卽自性差別能成立有八謂宗因喻同異類現比
教量下兼現量卽治所用事者卽是本論論中但
有書字爲所用事中忘障取與下卽論釋此障論
但通云取與寄付聞法思義作不作事已作未作
事應作不應作事此對治故書釋曰今但以義節
畧論文於此一障自爲三節一事中障二解中障
三業中障便以疏解意言作不作者但作者書之
言作不作者書之言不作未必惡不作而善作也
下二準之印璽等者論中有印而無於璽今以加
璽故云亦是現量顯現可見故又治所取物不守

護障卽是論釋印字如鹽米等以印印之則無強
取。

又善方藥療治諸病顛狂乾消鬼魅蠱毒悉能除斷
疏三又善下卽醫方明卽四大不調衆生毒相病
障對治故鈔三又善下然瑜伽醫方明有四一
病相善巧二病因善巧三於已生病永滅善巧四
已斷病不復更生善巧今文具之卽四大不調下
卽本論文

疏善療能斷皆除斷方便斷已不生故名爲善

鈔從善療下疏以瑜伽四義解釋一卽第三除斷

方便。二卽第四斷已不生。故涅槃云。世醫所療治。雖差還復生。如來所治者。畢竟不復發。其療治除斷卽是第三。其一善字。卽當第四。

疏顛至蠱毒。病相病因。於中顛等內四大。鬼等外衆生。蠱毒通二。有草毒蛇等毒故。論經說呪藥等卽病因。夙因對治卽善方藥攝。鈔從顛至蠱下。辨初二義。先總指經。後於中下。別屬顛等內四大。下皆本論釋。然顛狂乾消正明病相四大不調。故沉重地病相。冷水病相。黃熱火病相。風相多端。其顛狂二事亦是病因。由顛狂故。應食不食。食不應

食。作不應作等。故生諸病。鬼魅蠱毒。正是病因。因鬼魅等而生病故。亦是病相。鬼等病故。從論經下。疏會論經。今經無呪。故論以藥呪爲能治。卽是今經善方藥攝。病因夙因卽是所治。以呪藥力。應夙不夙。

文筆讚詠。歌舞技樂。戲笑談說。悉善其事。國城村邑。宮宅園苑。泉流陂池。草樹華藥。凡所布列。咸得其宜。金銀摩尼。眞珠琉璃。螺貝璧玉。珊瑚等藏。悉知其處。出以示人。日月星宿。鳥鳴地震。夜夢吉凶。身相休咎。咸善觀察。一無錯謬。

撰述
疏四文筆下工巧明。文筆讚詠卽書算計度數印
工業中書所攝故韻屬曰文對詞曰筆。顯德爲讚
寄情曰詠。鈔四文筆下。瑜伽工巧有十二種。今
畧有六。一書算計度數印工業。而文筆讚詠但屬
書攝。其算數計度。通其二明。前疏之中。已配聲明。
故此不攝。

疏次歌至談說卽音樂工業。悉善其事。通上二文。
皆憂惱障對治。鈔二音樂工業皆憂惱者卽是
本論。凡言對治皆是本論。絃竹娛耳。故除憂惱。
疏國城至其宜卽營造工業。鈔三營造工業。

疏草樹華果亦兼營農工業。此卽不喜樂障對治。
鈔四營農工業而言亦者。草樹華果有兩向故。
布列宮苑卽是營造樹之園圃卽是營農。此卽等
者。峻宇彫牆。朱軒玉砌。居然悅情。況池塘生春草。
園柳變鳴禽。洪波濯鬪魚。清風吹落花。縱意林流。
間歡愛彌日月。豈能憂哉。

疏金至示人卽生成工業。繫閉障對治。鈔五生
成工業能作能成故繫閉等者。家有千金。不效於
市。何能閉哉。

疏日月至無錯謬卽占相工業。是所得報分過惡。

因障對治。謂皆由前世惡因。感此凶吉等故。日月五星以爲七曜。及二十八宿。並上知天文。地震卽下知地理。夜夢至休咎。卽中知人情。鳥鳴卽察鳥情。亦是人情所感。咸善無謬。總究上三才。鈔卽占相者。先舉論。謂皆由下。是疏釋論。不知過去所作業因。便取外相爲吉凶原。乃造惡業。排凶招吉。安可得耶。今示因招。使修德業。排凶招吉。卽爲能治。日月五星者。東方歲星主春主木。西方太白主金主秋。南方熒惑主火主夏。北方辰星主水主冬。中方鎮星以主於土。通主四季。星者散也。列位布

散。漢書云。星者金之散氣。與人相應。凡物之精。爲列星也。言二十八宿者。謂角亢氐房心尾箕斗牛女虛危室壁奎婁胃昂畢觜參井鬼柳星張翼軫。廣如大集四十中。經云。娑婆世界主大梵天王。釋提桓因。四天王等。而白佛言。過去天仙。分布安置。諸宿辰曜。攝護國土。養育衆生。於四方中各有所主。東方七宿。一者角宿主於衆鳥。二者亢宿主於家求聖道者。三者氐宿主水出衆生。四者房宿主行車求利。五者心宿主洲渚衆生。六者尾宿。七者箕宿。主於國師。南方七宿。一者井宿主於金師。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

二者鬼宿主於一切國王大臣。三者柳宿主雪山龍。四者星宿主巨富者。五者張宿主於盜賊。六者翼宿主於貴人。七者軫宿主須羅吒國。西方七宿一者奎宿主行船人。二者婁宿主於商人。三者胃宿主婆樓迦國。四者昴宿主於水牛。五者畢宿主於一切衆生。六者觜宿主鞞提訶國。七者參宿主於刹利。北方七宿一者斗宿主堯部沙國。二者牛宿主於刹利及安鉢竭國。三者女宿主央伽摩陀國。四者虛宿主般遮羅國。五者危宿主著花寇者。六者室宿主乾陀羅國。輪虛那國及諸龍蛇腹行

之類。七者壁宿主乾闥婆善音樂者。大德婆伽婆過去天仙。如是布置四方諸宿。攝護國土。養育衆生。釋曰。此皆西域之事。此方所主分野等。又有差殊。經文有之。畧知去就。未窮玄象。非我之愆。難勝聖人不習而利。然天垂象。聖人則之。故繫辭云。辭也者。各指其所之。易與天地準。故能彌綸天地之道。仰以觀於天文。俯以察於地理。是故知幽明之故。原始反終。故知生歿之說。釋曰。其知幽明。即中知人情。瑜伽之中。餘六工業者。一和合。二呪術。三商賈。四成就。五防邪。六事王。廣如彼釋。

持戒入禪神通無量四無色等。

疏五持戒下內明。治五種染。一持戒治破戒染。二入禪治貪欲染。三神通治邪歸依染。四無量治妄行功德染。謂治殺生祀祠求梵福故。五四無色定治妄修解脫染。鈔謂治殺生者。卽智論百論皆說外道殺馬祀梵天。祈生梵世。今以慈悲喜捨四無量心能生梵天。治其邪見。五四無色定者。外道以彼爲涅槃。故今能入之。示其謬計。此經論中唯說世間爲內明者。經明隨順世間智故。

疏上來所釋。多依本論及瑜伽十三四五。其中更

有別理。恐厭繁文。鈔上來等者。本論亦不全屬五明。但有治障治染之別。瑜伽之中。廣顯五明與此相應。故雙用之。

疏又論與經有不次者。但可以論就經。不可迴經從論。鈔又論與經下。意揀古人。今疏以論就經之次。古人依論次第。異經判定記中。全寫探玄。亦不對會二經之殊。况辯論釋與經之異。恐尋論者及見古疏。怪其不同。故結示耳。

及餘一切世間之事。但於衆生不爲損惱。爲利益故。咸悉開示。漸令安住。無上佛法。

疏第三總結成益者。此起世智具四種相。一異障中無障。故云但於衆生不爲損惱。事中不知名之爲障。損惱生事。復是事中異障。今無此捕獵等之異障。二與無過樂。卽爲利益故。謂雖不惱令其染著。亦不爲之。三發起清淨。卽咸悉開示。謂能起助道之事。四所用清淨。卽漸令安住無上佛法。謂用此得淨故。鈔但於衆生者。賢首品云。若見世界始成立。衆生未有資身具。是時菩薩爲工匠爲之。示現種種業。不作逼惱衆生物。但作利益世間事。卽其義也。而論但云異障中無障。故餘皆如疏釋。

三發起清淨。論經云憐憫衆生故出者。出卽今經咸悉開示。

佛子。菩薩住是難勝地。以願力故。得見多佛。所謂見多百佛。見多千佛。見多百千佛。乃至見多百千億那由他佛。悉恭敬尊重。承事供養。衣服飲食。臥具湯藥。一切資生。悉以奉施。亦以供養一切衆僧。以此善根。廻向阿耨多羅三藐三菩提。於諸佛所恭敬聽法。聞已受持。隨力修行。復於彼諸佛法中。而得出家。旣出家已。又更聞法。得陀羅尼。爲聞持法師。任此地中。經於百劫。經於千劫。乃至無量百千億那由他劫。所有

善根轉更明淨

疏第二位果亦有三果。初調柔果亦四。一調柔行。二教智淨。三別地行相。四結說地相。前中有法喻。合法中正起行內。又更聞法得陀羅尼者。論云非得義持者。對勝顯劣。般若未現前故。所以得聞持者。得二難故。一地初十平等心。難得能得故。二地中樂出世間智。現世間智。此不住道。難得能得故。此之二難。對劣顯勝。故得聞持。不同三地唯世間聞持。

佛子。譬如真金。以礪礪磨瑩。轉更明淨。

疏喻中真金。礪礪磨瑩者。證智契如。事爲真金。教智光明。能示現如事。猶彼礪礪。鈔證智契如者。論云此地智光明。真如事。示現如。經諸佛子。譬如真金等。釋曰。證智爲真金。如如爲所契之理智。爲能契之事。事合於如。故云如事。教習能顯上之如事。故如礪礪。

此地菩薩所有善根。亦復如是。以方便慧思。惟觀察轉更明淨。

佛子。菩薩住此難勝地。以方便智成就功德。下地善根所不能及。佛子。如日月星宿宮殿光明。風力所持。

撰述
華嚴疏鈔卷之二
聖
不可沮壞亦非餘風所能傾動。此地菩薩所有善根亦復如是。以方便智隨逐觀察。不可沮壞。亦非一切聲聞獨覺世間善根所能傾動。

疏二佛子菩薩住此難勝下。教智淨中。日月等者。論云。依阿含增長智慧光明。勝前地智。故謂勝前地珠光。餘文如前。鈔日月等光者。遠公云。梵本唯以星光喻於此地。意云六地方用月光喻。故理應合然。餘如前釋。

此菩薩十波羅蜜中。禪波羅蜜偏多。餘非不修。但隨力隨分。佛子。是名畧說菩薩摩訶薩第五難勝地。

菩薩住此地。多作兜率陀天王。於諸衆生所作自在。摧伏一切外道邪見。能令衆生住實諦中。布施愛語。利行同事。如是一切諸所作業。皆不離念佛。不離念法。不離念僧。乃至不離念具足一切種一切智智。復作是念。我當於衆生中爲首。爲勝。爲殊勝。爲妙。爲微妙。爲上。爲無上。乃至爲一切智智依止者。此菩薩若發勤精進。於一念頃得千億三昧。見千億佛。知千億佛神力。能動千億佛世界。乃至示現千億身。一一身示千億菩薩以爲眷屬。

若以菩薩殊勝願力。自在示現。過於此數百劫千劫。

乃至百千億那由他劫不能數知。

爾時金剛藏菩薩欲重宣其義而說頌曰。

菩薩四地已清淨。思惟三世佛平等。戒心除疑道非道。如是觀察入五地。

念處爲弓根利箭。正勤爲馬神足車。五力堅鎧破怨敵。勇健不退入五地。

慚愧爲衣覺分鬘。淨戒爲香禪塗香。智慧方便妙莊嚴。入總持林三昧苑。

如意爲足正念頸。慈悲爲眼智慧牙。人中師子無我吼。破煩惱怨入五地。

疏第三重頌。二十二頌分三。初十七偈頌地行。次

四頌地果。後一結說。初中又三。初五偈三句。頌勝慢對治。於中初四偈頌十平等。

菩薩住此第五地。轉修勝上清淨道。志求佛法不退轉。思念慈悲無厭倦。

疏餘二頌

積集福智勝功德。精勤方便觀上地。佛力所加具念慧。

疏頌如道行

了知四諦皆如實。善知世諦勝義諦。相諦差別成立

撰述
佛事諦生盡及道諦

乃至如來無礙諦如是觀諦雖微妙未得無礙勝解脫以此能生大功德是故超過世智慧

疏第二了知下六偈三句頌不住道於中初兩偈一句頌所知法中智清淨

既觀諦已知有爲體性虛僞無堅實得佛慈愍光明分爲利衆生求佛智

觀諸有爲先後際無明黑闇愛纏縛流轉遲迴苦聚中無我無人無壽命

愛取爲因受來苦欲求邊際不可得迷妄漂流無返

期此等可愍我應度

蘊宅界蛇諸見箭心火猛熾癡闇重愛河漂轉不暇觀苦海淪溷闕明導

如是知已勤精進所作皆爲度衆生

疏後既觀諦下四偈半頌教化衆生勤方便於中初一偈頌總觀有爲虛僞起慈悲二心次一偈半

頌悲觀中觀緣集苦次一頌半頌觀身重苦後半頌大悲觀

名爲有念有慧者乃至覺解方便者

習行福智無厭足恭敬多聞不疲倦國土相好皆莊

嚴。如是一切爲衆生。

爲欲教化諸世間。善知書數印等法。亦復善解諸方藥。療治衆病悉令愈。

文辭歌舞皆巧妙。宮宅園池悉安隱。寶藏非一咸示人。利益無量衆生故。

日月星宿地震動。乃至身相亦觀察。四禪無色及神通。爲益世間皆顯示。

疏第三名爲下四偈半。頌彼果勝中。初半偈。頌攝功德勝次。一頌修行勝。於中如是一切爲衆生句。兼頌教化衆生勝。

智者住此難勝地。供那由佛亦聽法。如是妙寶磨眞金。所有善根轉明淨。

譬如星宿在虛空。風力所持無損動。亦如蓮華不著水。如是大士行於世。

住此多作兜率王。能摧異道諸邪見。所修諸善爲佛智。願得十力救衆生。

疏後三頌起世智勝。

彼復修行大精進。卽時供養千億佛。得定動刹亦復然。願力所作過於是。

如是第五難勝地。人中最上眞實道。我以種種方便

力爲諸佛子宣說竟。

疏頌果位。三果可知。五地竟。

四十四葉十七行治其邪見四字從補

弟子張顯捨貲七兩六錢三分七釐刺此一卷

伏願履旋元吉如帆轉順風增長道心如雨滋

春卉誕生福嗣紹隆前麻并祈妻妾現存者獲


福亡故者超昇○張居士原捨銀十九兩八錢

二分七釐今刺三卷浮於前數者五兩係胤等

卽以居士所贈仍與之作福云爾

大方廣佛華嚴經疏鈔卷第三十六之二

畢



五十四